



DE
FILIO VASALLI
SUCCESSORE IN FEUDUM

A

REVOCATIONE FEUDI AB HOC ALIENATI
PER JUS FEUDALE
LONGOBARDICUM ÆQUE AC GERMANICUM
EXCLUSO.

§. I.

Alienatio feudi sive totius sive partis in extraneum sine domini consensu hodie est illicita.

Licitum quondam erat vasallo feudum secundum quarumdam curiarum consuetudines pro medietate a), secundum aliarum vero usus in totum b) alienare sine domini consensu etiam in extraneum sub prima investitura non comprehensum. Ex quo autem Lotharius III Imp.

a) I. f. 5. pr. I. f. 13. II. f. 9. pr. II. f. 44.

b) I. f. 18. II. f. 44.

(uti ipse inquit c) per multas interpellationes ad se factas comperiret, milites sua beneficia passim distrahere: atque ita omnibus exhaustis suorum seniorum servitia subterfugere, per quod vires imperii maxime attenuatas cognosceret, dum proceres milites suos omnibus beneficiis suis exutos ad feliciss. nostri numinis expeditionem nullo modo traducere valent.. edita lege in omne ævum deo propitio validurā decrevit: nemini licere beneficia, que à suis senioribus habent, SINE IPSORUM PERMISSIONE distrahere, vel aliquod commercium adversus tenorem nostræ constitutionis cogitare, per quod imperii & dominorum minuatur utilitas. Hanc Constitutionem dein FRIDERICUS II Imp. d) hac confirmavit clausulâ: ut nulli liceat feudum totum vel partem aliquam vendere, vel pignorare, vel quocunque modo distrahere, seu alienare, vel pro anima judicare, SINE PERMISSIONE ILLIUS DOMINI, ad quem feudum spectare dignoscitur. — Si vero vasallus contra constitutionem bonæ memorie LOTHARII Imperatoris beneficium alienaverit, quia dominum contemnere videatur, ad dominum beneficium pertineat e).

c) II. f. 52. pr.

d) II. f. 55. pr.

e) II. f. 24. in fin. II. f. 55. pr.

§. II.

Talis alienatio inter alienantem & alienatarium tamen non est nulla, sed valida & obligatoria.

Quamvis alienatio feudi sine domini consensu facta respectu hujus sit nulla & illicita, nihil tamen minus intuitu contrahentium scil. alienantis & alienatarii est quoad se *valida & obligatoria*: *Enimvero* 1) FRIDERICUS II a) dum talem alienationem annullat, hanc subjicit simul clausulam: *emptori bonæ fidei EX EMPTO ACTIONE de pretio contra venditorum competentे*. Solus igitur bona, non quoque malæ fidei emptor feudi premium recuperat: sed si alienatio sine domini consensu facta inter contrahentes quoque esset nulla, huic æque ac illi repititio pretii deberer esse integra, siquidem ea, quæ lege fieri prohibentur, si facta fuerint, non solum inutilia, sed pro infelis etiam habeantur.. & siquid fuerit subsequum ex eo, vel ob id, quod interdicente lege factum est, quoque cassum & inutile sit b), ideoque si talis alienatio in se esset radicitus nulla, premium

a) II. f. 55, pr.

3

tium sine omni causa solutum esse à malæ fidei emptore, perconsequens huic ad recuperandum pretium competere deberet condic̄tio sine causa, à qua propter malam fidem, & sub specie delicti excludi non posset, siquidem emptor domino obligatus non est, ideoque in eum non delinquit. Exinde igitur à contrario inferri debet, quod talis alienatio inter contrahentes sit valida. Rationem autem, cur malæ fidei emptor pretium non recuperet, deducimus ex eo, quia si quis fundum sciens alienum vel obligatum comparavit, neque quicquam de evictione convenit, quod eo nomine dedit, contra juris poscit rationem c). Dein 2) FRIDERICUS II loc. cit. bonæ fidei emptori ad pretium consequendum concedit actionem ex empto, quam non nisi ex venditione valida nasci, juris Tyronei norunt. Perconseques si alienatio ejusmodi etiam inter contrahentes esset nulla, bonæ fidei emptori competere non posset actio ex empto, sed tantum condic̄tio vel indebiti, vel causâ data causa non secutâ, vel sine causa, eoquod tali in casu emptor pretium solvisset indebitè & sine causa. Ulterius 3) FRIDERICUS II loc. cit. statuit, ut vendoro & emptor, qui tam illicitas alienationes reperti fuerint contraxisse, feudum amittant. Et emptorem itaque feudum illicite alienatum amittere dicitur. Sed de quo verificari potest, quod rem amittat, de eo præsupponi debet, quod rem ab ante habeat. Consequenter & emptorem ex venditione illicitâ feudum respectu vendoris acquirere oportet. Quod sane dici non posset, si alienatio inter contrahentes penitus esset nulla. Adhac 4) in casu, quo vasallus feudi qualitatem ignorans

A 2

b) L. 5. c. de legib.

c) L. 27. c. de evict. conf. l. 7. c. commun. viriisq. Iud. & l. 4. §. 5. de dol. mal. & met. except. Nec obstat quod juxta l. ult. §. 4. c. commun. de legat. emptor sciens rei gravamen adversus venditorem actionem habeat ad restitutionem pretii, nam hæc lex agit de legatis & fideicommissis sub conditione, aut die incerta, aut substitutione, aut restitutionis onere relictis, quorum alienatio conditione, die incertâ, substitutionis aut restitutionis termino nondum existente perfecte licita est & manet. cit. l. ult. §. 3. eaque de causa conditione, die incerta, substitutionis aut restitutionis termino eveniente cum emptore mitius agitur pretium huic restituendo, quam cum alio quovis malæ fidei emptore. Econtra feudi alienatio in extraneum sine domini consensu facta pro nullo licita est momento, & hinc scienter emens feudum melioris conditionis esse non potest, quam quivis alias malæ fidei emptor rei scienter alienæ, vel obligatae, de quo leges cit. dicunt, quod id, quod eo nomine dedit, contra juris poscat rationem.

rans feudum sine domini consensu alienavit, pena privationis quidem locum non habet, attamen in electione emptoris est, num feudum domino cedere, an vasallo restituere malit d): si autem alienatio sine consensu domini celebrata etiam inter contrahentes nulla foret, emptor tales electionem habere non posset, sed feudum necessario restitueret vasallo, quia ipse nil juris in feudum consecutus esset, adeoque nec domino id ipsum cedere valeret.

d) *Domino cum emptore feudi agente si vasallus jurare poterit, quod ignorans esse beneficium vendidisset, credens proprium, ELECTIONI EMPOTORIS COMMITTITUR, utrum domino vult ipsum cedere, an vasallo restituere.* Obertus dicit omnia vasallo restituenda. II. f. 42. Quod hec opinio OBERTI non sit decisiva, inde evidens est, quod *to: committitur sit dispositio expressum.* Obstat quidem videtur textus II. f. 26. §. 19. ubi: *si vasallus feudum alienavit ignorans, non domino, sed ipsi vasallo feudum restituendum est.* Ad interesse vero emptori ignorantis condemnandus est vasallus. Ast responderetur, quod in hoc textu feudista tantum definiat, dominum non posse praeceps restitucionem feudi pretendere, & sic feudum tanquam illicite alienatum caducare, nequaquam vero electionem emptori in II. f. 42. expresse concessam denegare voluerit, tum quia feudista in §. 17. immediate praecedente, & in §. 20. immediate subsequente de poena caducitatis agit, ideoque hanc poenam in §. 19. excludere voluit, tum quoque quia hicce §phus alias aperte contradiceret textui II. f. 42. Num vero vasallus feudum domino ab emptore hoc casu cessum repeteret, & emptor in casu cessionis in dominum factae contra vasallum venditorem ad interesse agere possit, est alia quæstio, de qua hec disserere nolumus. Quidquid si etiam hæc electio emptori non competeteret, sed feudum juxta §. 19. cit. præceps restituendum foret vasallo venditori, verum tamen maneret, huncce §phum diserte disponere, quod *ad interesse emptori ignorantis condemnandus sit vasallus:* actio ad interesse autem nasci non posset ex emptione, si hæc in se nulla foret.

§. III.

Alienatio feudi cum domini, sed sine agnatorum consensu facta, licet in horum præjudicium non valeat, obligat tamen descendentes patris alienantis.

*S*in alienatio feudi cum domini consensu facta fuerit, hæc non tantum inter contrahentes, sed & intuitu domini valida est & licita: nihil-

nihilominus in quantum vergit in præjudicium agnatorum ad feudi successionem vocatorum, in alienationem non consentientium¹, in tantum nulla est, ita ut hi casu successionis ad ipsos perveniente alienatum nullo refuso pretio revocare possint, nam si titius filios masculos non habens partem suam feudi sejo, partem ejusdem feudi possidenti agnato suo, concessit, sempronius proximior agnatus mortuo demum titio partem illius feudi NULLO DATO PRETIO recuperare potest a), eoquod alienatio feudi paterni non valet etiam domini voluntate, nisi agnatis consentientibus, ad quos beneficium quandoque sit reverjurum b). An vero etiam filius, cunctique descendentes patris vasalli feudum ANTIQUUM consentiente domino alienantis banc alienationem impugnare possint, ac actione revocatoria gaudeant, alia est quæstio ac præsentis dissertationis argumentum, quod negative resolventes sequentibus exponimus.

a) II. f. 26. §. 13.

b) II. f. 39. pr.

§. IV.

Quod probatur I) argumento feudi HÆREDITARII.

Nota est communis feudistarum Doctrina, quod filius feudum hæreditarium vel merum, vel mixtum quoad modum succedendi tale à patre alienatum revocare non possit. Hujus ratio tradente JUSTO LUDOVICO BECHTOLDO BOEHMERO a) fundatur in eo, quod in hoc filius beneficio defuncti patris succedat: atqui filius quoque in feudo quovisetiam ex pacto & providentia majorum nonnisi beneficio defuncti patris ad successionem venit, prouti hoc in dissertatione nostra sistente filium beneficio patris & quidem titulo universalis in feudum succendentem b) ex professo demonstratum ivimus. Consequentia ergo est necessaria, quod propter identitatem rationis nec filius feudum ex pacto & providentia majorum à patre alienatum revocare possit.

a) *Dissert. de filio vasalli successore in feudum, Gottingæ 1779. cap. 3. sect. 1.
§. 13.*

b) *Dusseldorpii. 1787. per tot.*

§. V.

V.

2) Arg. feudi novi.

Nec minus commune est feudistarum Dogma, quod filio non liceat feudum *novum* à patre alienatum revocare, quia, ut ait laudatus BOEHMERUS a), jus succedendi in illud penderet ex sola voluntate eorum, qui illud constituerunt: atqui etiam quivis pater respectu filii sui considerari debet tanquam talis, qui investituræ renovatione feudum cum domino constituit, vel potius ab eo acquirit, & ex cuius voluntate jus succedendi filio competens dependet, eoque pater sicuti quivis aliis successor feudalibus in libero suâ habet arbitrio, num feudum primo acquirenti constitutum, & successione ad se devolutum retinere, & sic hac ratione suis descendenteribus conservare, an vero illud repudiare, & consequenter suis descendenteribus auferre velit, Ideoque intuitu feudi *antiqui* jam semel constituti, & per mortem primi acquirentis ad se devoluti idem juris habet, quod primus acquires intuitu primæ feudi *novi* constitutionis, vel potius acquisitionis habuit. Perconsequens sicuti descendentes primi acquirentis ex pacto, occasione originariæ feudi *novi* constitutionis inter hunc & dominum inito, jure succedendi gaudent: ita quoque & descendentes patris feudi *antiqui* possessoris ex pacto occasione investituræ renovationis inter dominum & hunc investitaram renovantem concluso jus succedendi in feodium *antiquum* derivare debent b). Ergo & filio feudum *antiquum ex pacto & providentia majorum* tam parum, ac quoque *novum* à patre alienatum revocare licebit.

a) *Dissert. &c. loc. cit.*

b) *Conf. Dissert. nostr. sistens filium beneficio patris &c. §. 3. &c. 4.*

§. VI.

3) Arg. subinfeudationis.

Subinfeudatio à vasallo facta, licet non ligeat agnates, nihilo tamen minus à subinfeudantis descendenteribus sancte est servanda. Sequentes hoc probant rationes: etenim 1) vasallus feudum in subfeudum dare potest, & quidem non tantum in tertiam & quartam personam sed usque adeo

adeo *in infinitum* a): sed si descendentes subinfeudantis, hoc mortuo, subinfeudationem impugnare, subfeudumque revocare valerent, concessio illa *in infinitum* verificari nequirit, eoquod subinfeudantem ipsum in sua persona *in infinitum* vivere implicat. Non minus clare hoc ipsum feudista quoque 2) exponit, dum inquit: *si totum vel partem volebat per feudum aliquem investire, hoc licebat ei sine fraude facere.* Si autem dissentiente domino per feudum investiebat, *si tamen SINE HÆREDE MASCULO DESCENDENTE DECEDEBAT...* tunc omnis feudi alienatio ad irritum revocabatur b). Si igitur subinfeudans sine hærede masculo descendente non decedat, subinfeudatio ad irritum revocari nequit, ergo descendentes sub-

a) II. f. 34. §. 2.

b) II. f. 9. pr. Licet hic textus *de antiqua feudorum consuetudine*, ideoque per totum in *imperfetto* loquatur, tamen adhuc hodie autoritatem habet legalem, eoquod ibidem expresse hæc adjecta reperitur clausula, *quod & ipsum sincere hodie & sine fraude licet.* Notam hanc ideo subjicio, quia dum interrogatus super quæstione: *quis in concursu domini & agnatorum præferendus sit in jure protimiseos aut retractus feudalis?* pro agnatis respondebam, me post textum II. f. 3. §. 1. in hujus textus II. f. 9. §. 1. verbis: *in prohibendo autem vel redimendo potior erat proximi agnati quam domini conditio fundans*, D. collega meus H.... contrarium dabat responsum à variis cum applausu receptum, in quo, calumniis hinc inde intermixtis, is ipse, qui suo tempore jus feudale quoque prælegit, conatur contra unanimem feudistarum opinionem tueri, in jure protimiseos æque ac retractus potiorum domini, quam agnatorum esse conditionem, textum cit. II. f. 9. §. 1. obstantem per hoc refutare satagans, quod is textus *de antiqua consuetudine* tantum loquatur, ideoque hodie ex illo nihil probari amplius possit. Verum, ut paucis ostendatur, quali attentione, aut potius miseratione dignus sit incassus ejusmodi conatus, non est, cur ad feudistas in vim hujus textus agnatos domino unanimiter præferentes, aut ad textum II. f. 3. §. 1. provocem, qui hanc agnatorum præferentiam non nisi cæco dubiam relinquit, sed sufficiat notasse, totum jus feudale longobardicum nullam præter textum cit. continere dispositionem, quæ domino jus protimiseos aut retractus tribuit. Si igitur vis probandi dematur huic textui, splendidum hoc domino penitus denegari deberet jus. — Ne igitur præfatus collega meus, aut alii, qui cum illo optarent, ejus doctrinam esse evangelicam, in praesens simile quid obmoveant, ideo & sola hac ex ratione hæcce notamus,

subinfeudantis eam impugnare non possunt. Confirmatur 3) hoc ipsum communi feudistarum traditione c). Sed subinfeudatio indubitate est alienatio; ergo si filius eam à patre factam impugnare non audet, propter identitatem rationis nec audebit quamvis aliam impugnare alienationem à patre factam.

c) STRUV. *syntagm. Jur. feud. cap. 12. aphor. 13. n. 3.* HORN *jurisprud. feud. cap. 19. n. 13.* MOLLINÆUS *comment. in parisiens. confuetud. tit. I. dc fiefs. §. 51. gloss. I. n. 19.* GEORG. LUD. BOEHMER. *princip. jur. feud. §. 288.* GOTHFRED. SCHILTER. *Dissert. de subinfeudat. Lipsiae 1678.* §. 127. &c. &c.

§. VII.

4) Arg. alienationis feudi illicitæ.

Quod filius alienationem feudi *sine domini consensu*, ideoque *illicite* à patre factam impugnare, feudumque à domino privationis pœnâ utente revocare non possit, jus feudale diserte fancivit a). Ergo nec filium alienationem feudi *consentiente domino*, & hinc *licite* à patre factam impugnare, ac feudum taliter alienatum ab alienatario revocare posse, sequela est necessaria. Enimvero juxta §. II. alienatio feudi *sine consensu domini* facta quoad se ac inter alienantem & alienatarium *non est nulla*, sed *valida & obligatoria*. Consequenter Consensum domini, qui alienationi tantum dat *licitatem*, ad qualitatem alienationis *non in = sed tantum extrinsicam* referri oportet. Consensus domini itaque sive accedat, sive non, *intrinsicam* alienationis naturam & efficaciam immutare nequit. Cum igitur alienatio feudi *sine consensu domini* consummata filio jus revocandi auferat, idem quoque de alienatione *cum domini consensu facta* dicendum esse prono fluit alveo. Replicat equidem Boehmerus b), quod illius causa posita non sit in arbitrio & voluntate patris, sed in lege, quæ ob delictum feloniae à patre commissum filii successionis jus aufert: Verum Respondetur ad hoc, quod causa hujus delicti sit ipsa alienatio *sine domini consensu facta*, illudque sit hujus effectus. Si igitur ipsa alienatio *ex sui naturâ* filio jus succedendi,

a) II. f. 26. §. 17. & II. f. 31.

b) *Dissert. cit. cap. 2. §. 6.*

dendi, & feudum revocandi non auferret, delictum ipsum patris hanc feudi privationem intuitu filii post se trahere non posset, tum quia effectus nec major esse, nec plus operari valer, quam causa ipsa, tum quoque quia delictum patris *qua tale* filio nocere & jus huic aliunde efficaciter quæsitum auferre nequit, siquidem non tantum jus naturæ dictitet, sed & Imperatores ARCADIUS & HONORIUS c) expresse sancierint: *ibi esse pœnam, ubi & noxia est, propinquos, notos, familiares procul à calunnia removebimus, quos reos sceleris societas non facit.* Nec enim affinitas vel amicitia nefarium crimen admittunt. Peccata igitur suos teveant *Authores: nec ulterius progrediatur metus, quam reperiatur delictum.* Per consequens in aprico est, quod ratio, cur jus feudale filium ab actione feudi à patre illicite alienati revocatoria excludat, non tam in ipso patris delicto, quam potius in naturâ alienationis à patre factæ, quoad se spectatæ, fundetur.

c) L. 22. C. de pœnis.

§. VIII.

5.) *Per textum II. f. 9. pr.*

Secundum prædeducta ad §. 1. ante constitutionem LOTHARII Imp. licitum erat partem feudi sine domini consensu alienare. Constitutio isthæc à FRIEERICO II. Imp. confirmata alienationem etiam partis prohibens non in gratiam vasallorum filiorum, sed *unice* in favorem dominorum introducta est, ceu inde colligere licet, quod hæc ad instantiam, & querelas dominorum a), & ne vasalli dominorum suorum servitia subterfugiant, ac inde vires imperii minuantur b), lata sit. Re-

B

speciu

a) II. f. 52. pr. ibi: *per multas interpellationes ad nos factas comperimus, milites sua beneficia passim distrahere.* & II. f. 55. pr. ibi: à principibus italicis tam rectoribus ecclesiarum, quam aliis fidelibus regni non modicas accepimus querelas, quod beneficia eorum & feuda, quæ vasalli ab eis retinebant, sine dominorum licentia pignori obligaverant, vel quadam collusione nomine libelli vendiderant.

b) II. f. 52. pr. ubi: *milites suorum seniorum servitia subterfugere, per quod vires imperii maxime attenuatas cognoscimus.* per quod imperii vel dominorum minuitur utilitas. II. f. 55. pr. ibi: *unde debita servitia amitterebant (domini), & honor imperii, & nostræ felicis expeditionis complementum minuitur.*



spectu filiorum igitur adhuc hodie idem debet esse juris, quod respectu illorum olim ante præfatam LOTHARII constitutionem juris erat: atque partem feudi à patre *licite* alienatam revocare olim permisum non erat filio, nam *si dissentiente Domino* (partem) vendebat... *si tamen 1) SINE HÆREDE MASCULO DESCENDENTE decedebat, vel 2) feudum in manu domini refutabat, aut 3) alia forte ratione intercedente culpa amitterebat, tunc omnis feudi alienatio ad irritum revocabatur c).* Alienatio partis feudi igitur in tribus illis casibus tantum exceptis *in irritum revocari* poterat: notissimi juris autem est, 1) quod exceptio, pro quibusdam casibus exceptis facta, pro casu non excepto firmet regulam in contrarium. Regula itaque stabat pro *irrevocabilitate alienationis*. Consequenter quidquid non est exceptum, sub illa manet comprehensum: sed præter duos ultimos casus exceptos exceptio tantum facta est pro casu, si vasallus *sine hærede masculo* decedebat, ergo pro casu opposito, si scilicet *cum hærede masculo* reliquo decesserit, subintrare debet regula pro *irrevocabilitate alienationis*. Dein 2) ibidem casus *refutationis*, (aut, quod idem est, quovis titulo sive in Dominum, sive cum ejus consensu in extraneum *licitæ alienationis*) equiparatur cum casu, quo vasallus alienans *sine hærede masculo descendente* decedebat: atqui hoc casu per rerum naturam impossibile est feendum à filio revocari, ergo & *illo casu* revocatio isthac nequit filio esse permissa. Huic accedit 3) quod ibidem casus *refutationis*, id est; alienationis dicto jam modo *licitæ factæ cum casu feudi per culpam amissi* comparetur: sed hoc casu filius non gaudet actione revocatoria (§. VII. lit. a), ergo nec olim ea uti poterat in casu *licitæ alienationis*. Consequenter cum intuitu filii hodie etiam idem adhuc ac olim juris sit, ne: hodie licebit filio feendum à patre *licite alienatum revocare*.

c) II. f. 9. pr.

§. IX.

6.) *Per textum I. f. 18. §. I. & I. f. 13.*

Similiter ait feudista: *Si aliquis de capitaneis vel de majoribus valvasoribus vel de minoribus suum beneficium sive totum sive partem alienaverit, ipse vel hæres ejus sine hærede decesserit, quia beneficium senioribus aperi-*

aperitur, totum, quod fecit, revocari debet a). « Quatuor (inquit MATHEUS DE AFFLICTIS b) ad hunc textum commentans) sunt notanda ex isto textu: & primo, quod interest acceptatoris, quod concedens non moriatur sine hærede, id est: sine descendente, quia donec superest hæres datoris, non resolvitur juc accipientis... tertio not... quod si habens feudum illud vendidit jure antiquo permittente infra medietatem, & postea decebat relatio filio, si ille alio filio, & sic nepote, & postea nepos ille moriatur &c. si ultimus descendens moriatur sine descendente, NB. tunc (ergo non prius) resolvitur venditio ipsa, quia feudum revertitur ad dominum, id est, quia dominus potest revocare feudum à manibus illius, cui fuit concessum... vel si feudum erat antiquum, & supersunt agnati, tunc resoluto jure ipsius datoris feudum non revertitur ad dominum, sed ad agnatos .. Solis igitur domino & agnatis impugnare licet alienationem, si alienans sine descendentibus moriatur. Hi ergo, si extent, eam revocare non valent. Corroborat hoc ipsum feudista adhuc sequentibus: si clientulus fecerit libellum, vel aliud de medietate feudi sine domini voluntate, eo mortuo SINE LEGITIMO HÆREDE MASCULO... revertitur feudum ad dominum. SI VERO cum domini voluntate totum vel medium alienaverit, STABILIS permanet alienatio c). Super quo ANDREAS DE IERNIA d) ira commentatur: « refertur quidem ad proxima continuative, quia dicit: Si vero; non ponit casum per se, quando vasillus non moriretur sine legitimo hærede, quia ille casus est indubitabilis ..

a) I. f. 18. §. I.

b) In Commentar. super tres libr. feud. ad I. f. 18. §. I. n. I. & 2.

c) I. f. 13.

d) Sup. usib. feud. ad I. f. 13. n. 5.

§. X.

7) Per textum II. f. 83.

T extibus feudalibus hucusque adductis, si etiam non omnino clari, sed dubii vel obscuri forent, insigne superaddit pondus textus II. f. 83. substratam quæstionem in terminis ita definiens: si alter ex fratribus, qui paternum habeat beneficium, suam portionem dederit domino, vel sicuti extraneo, dominus vel extraneus TAMDIU TENEANT SINE PÆJUDICIO,



QUAMDIU ILLE, QUI DEDIT, HÆREDEM MASCULUM HABUÉRIT... hóc enim verissimum ex usú COMPROBATO didicimus. Præfatus BOEHMERUS a) quidem obmovet, textum hunc esse capitulum *extraordinarium*, ideoque nullius habendum esse ponderis. Ast facilis est ad hoc responsio, scilicet quod secundum unanimem feudistarum opinionem b) capitula *extraordinaria*, sicuti, si cum *ordinariis* pugnant, nullam habeant autoritatem, ita si ad illustrationem & explicationem *ordinariorum* obscure vel ambigue loquentium faciant, vel casum in his non decisum secundum horum analogiam determinent, recte allegentur, eoquod illa æque ac hæc non nisi mores longobardorum contineant, siquidem hæc ex rebus judicatis, responsis prudentum & consuetudinibus ab incertis authoribus collecta, ab ARDIZONE, & ALVAROTTO primitus in medium producta, à CUCACIO vero postea restituta, & corpori juris adjecta sunt. Et sane si SANDEO, CHRISTINÆO, CHASSINÆO, STOCHMANNO, CAROLO DE MEAN, MEVIO, aliisque ictis ad consuetudines certarum provinciarum commentantibus doctrinalem tribuamus autoritatem ad mores, consuetudines, & statuta illarum provinciarum interpretanda, explicanda, & eleuteranda, cur igitur eandem denegemus capitulis *extraordinariis* autoritatem? Merito itaque cum HARTMANNO PISTORE c) concludimus: " ita non video, cur non in aliis, in quibus cum capitulis juris feudalis *(ordinariis)* convenient, eorum *(extraordinariorum)* testimonio uti, nisi demque ea, quæ non satis clara sunt, manifestius declarare liceat, ut in proposita facti specie, ubi hoc idem, quod in d. §. Si alter ex fratribus diserte explicatur, ex multis etiam aliis juris feudalis capitulis haud obscure colligitur, cum præsertim animadvertissem, multa in iis *extraordinariis* cap. plenius explicata haberi, quam in jure nostro feudali,, d).

a) *Dissert. cit. cap. 3. sect. I. §. 10.*

b) MOLLER *distr. feud. cap. I. distr. 3. STRYCK exam. Jur. feud. cap. I. quæst. 22. STRUV. Syntagm. Jur. fend. cap. I. aphor. 7. n. 10. HORN jurisprud. feud. cap. I. §. 34. LUDWELL Synops. Jur. feud. cap. I. pag. m. 13. Snauberts Erläuterung des in Deutschland üblichen Lehne Rechts §. 32. versu: capitula extraordinaria.*

c) *Lib. I. quæst. 13. n. 59.*

d) *Sic cap. ordinarium II. f. 26. §. Mulier. ex cap. extraordinario II. f. 103. debet explicari. Ita quoque cap. ordinarium II. f. 26. §. omnes. Non nisi ex cap. extraordinario II. f. 77. eleuterari potest &c.*

§. XI.

Continuatio.

Quidquid ipse BOEHMERUS videtur prævidisse, cit. capitulo *extraordinario* omnem plane denegari non posse autoritatem, hinc se a) ulterioris ita exprimit: “ quod si etiam capitula extraordinaria ullius menti putanda essent, nihil tamen impedit, quominus textus 11. f. 83. ex principiis juris romani, quibus & ipse inniti videtur, ita explicetur: nisi filii hæredes ad pretium reddendum parati sint „. Ait BOEHMERUM hēic gratis ad juris romani provocasse principia, non tantum inde, quod jus romanum hæredi facultatem rem propriam à defuncto alienatam revocandi expresse denegare infra expositum sit, sed vel ex eo elucet, quia textus cit. 11. f. 83. sine distinctione ac restrictione diserte dicit, quod dominus vel extraneus tandem teneat SINE PRÆJUDICIO, quamdui ille, qui dedit, hæredem masculum habuerit. Si autem filius possit feudum refuso pretio repetrere, de domino vel extraneo, in quem feudum alienatum est, verificari nequiret, quod illud teneat sine præjudicio. Tacendo, quod si alienatio nullo interveniente pretio facta fuerit, feudum secundum BOEHMERI b) doctrinam usque adeo absque pretii refusione revocari liceat, ideoque tunc dominus vel extraneus, utpote in quem alienatio facta est, maximum haberet præjudicium. Adhæc illa revocatio aliter fieri non posset nisi per vindicationem c): textus cit. autem filio jus vindicandi expresse denegat, ceu colligitur ex sequentibus ejus verbis: Si VERO sine hærede deceperit, alter frater, si vixerit, vel ejus hæres sine ullo obstaculo vel temporis præscriptione beneficium, quod hæreditarium est, VINDICET à quocunque possessore. Quam certum jam est, quod particula: si vero præcedentibus adverteretur in jure & facto, tam indubitatum quoque oportet esse, quod textus cit., cum jus vindicandi tantum concedat in casu, quo alienans sine hærede decedit, illud deneget, si alienans eo relicto moriatur.

a) Loc. cit. lit. g.

b) ibid. §. 6.

c) Ut patet ex 11. f. 8. pr. & ipse BOEHMERUS loc. cit. §. 2, agnoscit.



§. XII.

8) Quia filius in feudo succedens simul est hæres patris.

Denique, uti in dissert. nostra sistente filium beneficio patris & quidem *titulo universalis* in feudum succedentem deduximus, filius *titulo universalis* in feudum patris succedit. Filius itaque feudum à patre alienatum tam parum, ac quoque hæres cæteroquin universalis in materia civili revocare potest id, in quod ipse *titulo universalis* successurus fuisset, si defunctus hoc non alienasset. Imo si filius *titulo non universalis*, sed tantum *particulari* in feudo succederet, nihilo tamen minus maneret verum, quod ipse in vim textus 11. f. 45. uti & ipse BOEHMERUS a) expresse fatetur, non possit succedere in feudo nisi se simul hæreditari patris allodiali immisceat, ideoque se tanquam hæredem patris sistat: In jure autem disertis hisce caurum est verbis: *unam quodammodo esse personam hæredis, & ejus, qui in eum transmittit hæreditatem, ideo nullus eidem sibi met ipsi edicit reluctari, & quod dixit, atque juravit ratum esse, hoc nolle valere, sed contra proprios reluctari sermones b).* Ad eoque cum hæres in jus omne defuncti succedit... non poterit, quod defunctus non potuit c). Hinc cum à matre domum filii, te sciente, comparasse proponas, adversus eum dominum vindicantem, SI MATRI NON SUCCESSIT, nulla te exceptione uti potes. *Quod si VENDITRICIS OBTINET HÆREDITATEM, doli mali exceptione, pro qua portione ad eum hæreditas pertinet, uti non prohiberis d).* Sic quoque *sive possessio venditoris fuit, filius ejusdemque patris hæres frustra quæstionem movet: sive non patris, sed filii ejus possessio fuit, de qua JURE HÆREDITARIO author laudare potest, controversiam moveare non potest e).* Præsertim cum Marcellus scribat, si alienum fundum vendideris, & tuum postea factum petas, bac te exceptione (rei venditæ & traditæ) recte repellendum. Sed & si DOMINUS FUNDI HÆRES VENDITORI EXISTAT, idem erit dicendum f). Hæc principia non tantum locum ha-

bent

a) *Dissert. cit. cap. I. §. 15.*

b) *Nov. 48. in præfat.*

c) *L. II. ff. de divers. tempor. præscript.*

d) *L. 14. c. de rei vindic.*

e) *L. 14. c. de evict.*

f) *L. I. §. I. ff. de except. rei vend. & trad.*

bent, si alienatio involvat titulum *onerosum*, sed & si alienatio facta fit titulo *lucrativo*, nam si patri tuo hæres non extitisti, ex facta ab eo liberalitate titulo donationis non posse jura tuæ laedi, manifestissimi juris est g). Inde ULPIANUS respondit: *filium ob hoc, QUOD PATRI HÆRES EXISTIT, probiberi à patre suum servum manumissum in servitutum petere h).* Cum et si libertas non processerit, RESPECTU TAMEN ADITÆ HÆREDITATIS VOLUNTATEM DEFUNCTI SUO CONSENSU FIRMARE DEBUIT i). Sequela igitur est necessaria, quod hæres factum defuncti indistinctim præstare debeat, & alienationem ab hoc factam impugnare non possit, etiam si res hæredi propria titulo sive *oneroſo* sive *lucrativo* alienata fuerit. Consequenter nec filio, qua *necessario* patris hæreſi, si in feudo succedere velit, hoc à patre alienatum revocare licebit.

-
- g) L. 24. c. donat.
h) L. 31. ff. de liber. caus.
i) L. 7. c. eod. tit.

§. XIII.

Refutantur contraria BOEHMERI argumenta, & quidem r̄imum ab investitura primi acquirentis, ac 2dum à jure agnatorum.

Argumenta, queis BOEHMERUS jus revocandi filio vasalli alienantis adstruere conatur, sunt sequentia: “ 1) filiis perinde atque agnatis (hæc sunt ejus verba a)) per investituram primi acquirentis ac per leges successio in feudum defertur, in quo uno omne juris revocandi fundamentum positum est...” Est porro 2) idem omnino filiorum atque agnatorum in feudo jus, siquidem utrumque ex eodem fluit fonte, ex pacto scilicet & providentia majorum, atque ex lege. Quæcunque igitur argumenta ex jure agnatorum ducuntur ad confirmandum ipsis revocandi jus, in filios quoque convenire necesse est „. Verum BOEHMERUM hisce nihil omnino probare, sequens extra dubium ponat argumenti retorsio: “ filiis primi acquirentis perinde ac agnatis per investituram primi acquirentis ac per leges successio in feudum defertur, ergo & filii primi acquirentis feudum novum à primo acquirente patre alienatum revocare possunt „. Hoc autem

a) Lac. cit. §. 3.



autem consequens nec ipse BOEHMERUS b) admittit. Igitur nec erit, cur nos ipsius sequelam, scilicet quod filius feudum *antiquum* à patre alienatum revocare valeat, ex eodem *antecedenti* deductam approbemus. Præsertim cum alibi c) modo demonstraverimus, quod quivis pater, sicut cuncti successores feudales in libera sūi potestate habeant, num feudum modo constitutum, ac per vasalli defuncti mortem ad se devolutum retinere, & sic hac ratione suis descendantibus prodesse, an vero illud repudiare, ac per hoc suis descendantibus nocere malint; ideoque pater cunctique successores feudales intuitu ejusmodi feudi ad se devoluri idem jus habeant, quod primus acquirens intuitu primæ feudi constitutionis, aut potius acquisitionis habuit, & hinc quemadmodum descendentes primi acquirentis ex pacto occasione *originarie* feudi constitutionis inter dominum & primum acquirentem ita & descendentes ex quovis patre cunctisque successoribus feudalibus ex pacto occasione investiturae renovationis inter dominum & hunc vel hos investituram renovantes initio jus succedendi nanciscantur. Hisce principiis conformiter respondemus ad argumentum *imum* distinguendo: filiis per investituram primi acquirentis, ac per leges successio in feudum defertur *mediate* conc. *immediate* neg. Ideo dicimus *mediate*, quia causa causæ est causa causati: sed investitura primi acquirentis est causa, cur successio ad ejus filium & resp. patrem delata sit, ergo & causa *mediata* esse debet, cur successio ad hujus descendentes perveniat. Ideo autem non *immediate*, quia si pater successionem ad se devolutam vel *expresse* vel *tacite* refutasset, ideoque feudum per investiturae renovationem pro se & descendantibus suis non acquisivisset; his investitura primi acquirentis tam parum ac successio ex lege prodesser, sed utrāque non obstante ipsi à successione feudi in perpetuum fuissent exclusi. Unde sequitur argumentum *adum* falsum omnino esse, quia agnati secus ac filii ex investitura primi acquirentis, ac ex pacto & providentia majorum *immediate* succedunt: etenim si vasallus feudi possessor sive *expresse* sive *tacite* feudum repudiasset, & investituram non renovasset, agnatorum jus succedendi tamen manisset salvum, quod tamen intuitu filiorum secus plane est.

b) *ibid.* §. 13.c) *Dissert. nostr. cit.* §. 3, & 4.

§. XIV.

3tium à i. f. 8. pr.

Tertiū BOEHMERI argumentum loc. cit. exponit̄ hisce: « Deinde
 « 3) leges non minus longobardicæ, quam germanicæ salva & incolum-
 « nia esse jubent jura filiorum, ad feudi successionem vocatorum, &,
 « ne ordinatio patris, qua illa labefactari possunt, valeat maneatque,
 « diligenter provident ». Quod autem leges feudales germanicæ jus
 revocandi in favorem filii non probent, sed potius contrarium statuant,
 infra §. XXII & seq. deduximus. Lex feudalis longobardica, ad quam
 BOEHMERUS provocat, est unicus ab illo loc. cit. sub lit. h. allegatus tex-
 tus i. f. 8. pr. qui ita habet: sequitur de successione feudi videre. Siquis
 igitur deceperit filiis & filiabus superstribus: succedunt TANTUM filii æquali-
 ter, vel nepotes ex filio, loco patris sui: NULLA ORDINATIONE DEFUNCTI IN
 FEUDO MANENTE VEL VALENTE. In casu hujus textus pater defunctus est
 relictis filiis & filiabus. Unde non quærebatur, utrum filii æqualibus
 succedant partibus, sed quæstio tantum erat, num filiae una cum filiis
 patri defuncto æqualiter succedere possint? ad quam ibi responderetur:
 succedunt TANTUM filii æqualiter. Status quæstionis in hoc textu igitur
 concernit tantum concurrentem filiarum successionem. Ergo & textus ver-
 ba: nulla ordinatione defuncti in feudo manente vel valente, ex præcedente
 quæstionis statu interpretari, perconsequens & ad denegatam filiarum
 successionem restringi debent. Sensus hujus clausulæ: nulla ordinatione &c.
 itaque alius esse non potest, nisi quod nulla ordinatio, quâ pater filias
 ad successionem vocat, in feudo valeat. Adeoque exinde generaliter
 deduci nequit, quod nulla omnino dispositio super feudo in præju-
 dicium filiorum valeat. Præsertim cum ratio, quare in casu textus cit.
 dispositio patris sit invalida, non sit hæc, quod ea tendat in præju-
 dicium filiorum, sed hæc, quod filiae sub investitura primi acquiren-
 tis non sint comprehensæ, ideoque talis dispositio patris sit in præ-
 judicium domini, ceu liquet ex ejusdem textus §. 2. ita se exprimente:
 filia vero non succedit in feudo, NISI INVESTITURA FUERIT FACTA IN PATRE,
 UT FILII ET FILIE SUCCEDANT IN FEUDUM. Nec obest, quod in textu di-
 catur: succedunt tantum filii æQUALITER, adeoque exclusa videatur om-
 nis dispositio, per quam successio filiarum fit inæqualis, consequenter
 à potiori prohibita esse debeat dispositio, per quam feudum in præ-
 judicium

judicium omnium filiorum alienatur: Enimvero responsio ad hæc latet in antedictis, scilicet quod in casu cit. textus non de *in-vel aequali* filiorum, sed tantum de *concurrente filiarum* successione quæstio sit, sicuti hoc clare patet ex adverbio: *tantum* apposito, quod alias plane superfluum & sine omni probris esset effectu. Hinc quoque est, quod BALDUS in summario hujus textūs de *in-vel aequali* filiorum successionē mentionem non faciat, sed statum quæstionis ad *concurrentem filiarum successionem* ita limitet: « Si habens feudum decedat masculis & filiabus relictis, NB. soli masculi succedunt in feudum, non filie seu fœminæ ». Non aliter quoque ANDREAS DE IERNIA ad textum cit. hisce commentatur: « primum dictum est: habens feudum decedit filiis masculis & feminabus relictis, an communiter succedunt feminine, & masculi in feudum... & dicitur, quod masculi *solum*, non feminine succedant in feudo, quia & si sole feminine reliete essent, non cederent ».

XV.

Continuatio.

Si dein etiam textus cit. non tantum de *concurrente filiarum*, sed & simul de *inaequali* filiorum successione loqueretur, omnemque dispositionem defuncti, qua sive hæc, sive illa introduceretur, prohiberet ac annullaret, ulterius tamen ad illum textum responderi posset, quod illa, quam textūs cit. prohibet, sit dispositio *mortis causa* a), à cuius prohibitione vero non illico concludi potest ad prohibitam dispositionem *inter vivos*. Sic licet filiusfamilias super peculio adventitio etiam extraordinario non possit *mortis causa* disponere, dispositio *inter vivos* illi tamen desuper non est prohibita. Vim hujus responsionis BOEHMERUS ipse non ignoravit, ideoque textum cit. propter rationis identitatem ad dispositionem *inter vivos* extendere conatur, dum scribit b): « i. f. 8. pr. quidem ad testamentariam de feudo dispositionem pertinere » vi-

a) Ex hoc textu communis quidem nata est opinio, ac si dispositio *mortis causa* super feudo quoad se est indifinitim invalida sit, & prohibita: ast hoc ita non esse, apparet ex II. f. 55. pr. ubi prohibetur *pro anima* *judicare sine permissione domini*. Ergo saltim debet esse casus dabilis, ubi talia dispositio cum domini permissione valet.

b) *Loc. cit. lit. h.*

videtur, at, quum ideo nullam valere defuncti de feudo ordinatio-
 nem statutum sit, ne successio in feudum filii intervertatur, eandem
 ob rationem nec dispositio de feudo, quæ inter vivos sit, eo valere
 potest, ut jus filiorum in illud succedendi è medio tollat „. Alt-
 nos negamus, & BOEHMERUS nunquam probabit, quod præjudicium fi-
 liorum sit prohibitiva textus cit. ratio, nam, licet olim licuerit vasallo
 partem feudi etiam in filiorum præjudicium inscio & invito domino ven-
 dere, nihilo tamen minus dispositio mortis causa super feudo secundum
 nullius curiae consuetudinem erat permissa c). Imo si etiam præjudicium fi-
 liorum, ne scilicet successio illis everteretur, esset ratio dictæ prohi-
 bitionis, inde tamen argumentum duci non posset ad prohibitionem
 dispositionis inter vivos: Enimvero in nostris & nonnullis vicinis bel-
 giæ terris dispositio mortis causa super bonis stemmaticis & stipalibus
 est quoque verita, & quidem non ex alia, nisi hac ratione, ne hære-
 dibus revolutariis everteretur in illis successio; & tamen hucusque né-
 mo somniavit, quod eam ob rationem nec dispositio de hisce bonis,
 quæ inter vivos sit, valeat, utut hac inter vivos dispositione jus suc-
 cedendi hæredum revolutariorum è medio tollatur, ergo à pari &c.

c) Necessitate namque suadente poterat olim vasallus domino inscio & invito feu-
 di partem vendere, retenta videlicet altera parte... donare autem, aut JUDI-
 CARE PRO ANIMA... nullius poterat curiae consuetudine. II. f. 9. pr. & §. 1.
 ex quo unico argumentum à prohibita dispositione mortis causa ad pro-
 hibitionem dispositionis inter vivos evidentissime enervatur in materia feudali.

§. XVI.

Continuatio.

Adhaec in textu cit. a) non restrictive de feudo antiquo, sed principa-
 liter de feudo novo sermo est, nam principium hujus textus cum spbo i.
 C 2 per

a) Integer textus ita habet: sequitur de successione feudi videre. Siquis igitur
 deceperit filii & filiabus superflitis, succedunt tantum filii æqualiter, vel
 nepotes ex filio, loco patris sui, NULLA ORDINATIONE DEFUNCTI IN FEUDO
 MANENTE VEL VALENTE. §. 1. Hoc QUOQUE observatur, ut si frater meus
 alienaverit partem suam feudi, vel fecerit investiri filiam suam, si moriatur
 sine hærede masculo, nihilominus revertitur ad me. Et olim observabatur us-
 que

per particulam ampliativam: quoque, & cum §pho 2. per particulam adversativam: vero connectitur. Natura dictionis: vero juxta notoria inducit repetitionem qualitatum & conditionum præcedentis in subsequenterem. Ergo & texrūs principium de eadem feudi qualitate intelligi debet, de qua loquitur §phus 2.: atqui hic tantum de feudo novo, seu à patre, de cuius successione quæstio est, acquisito loquitur, ceu evidens est ex hisce §phi 2. verbis: *filia vero non succedit in feudo, nisi investitura facta fuerit in PATRE, ut filii & filiae succedant.* Igitur & textūs principium de feudo novo intelligi, consequenter & clausulam in principio contentam: *nulla ordinatione defuncti in feudo manente vel valente, ad feudum novum applicari oportet.* Præcipue cum nec textūs principii verba, nec etiam analogia juris feudalis exigant, quod præfata hæc clausula ad feudum antiquum restringatur. Inattento hoc textu, dicta que ejus clausulâ autem BOEHMERUS ipse b) sustinet, quod filius feudum novum à patre alienatum revocare non possit. Quomodo igitur textus ille, ejusque clausula sæpedicta: *nulla ordinatione &c. filio tribuere poterit facultatem feudum antiquum à patre alienatum revocandi?*

que ad quartum gradum tantum secundum quosdam, alii autem dicunt usque ad septimum gradum. §. 2. Filia VERO non succedit in feudo, nisi investitura facta in patre, ut filii & filiae succedunt in feudum.. hæc de hoc feudo paterno.

b) Loc. cit. §. 13.

§. XVII.

quum iterum à jure agnatorum, & sūm à filio simultanè cum patre investito defumptum.

Quartum BOEHMERUS loc. cit. argumentum hisce producit verbis: "Præterea 4) quum filiorum & agnatorum quoad fundamentum, cui innititur jus in feendum succedendi, paria prorsus jura sunt: jus revocandi feendum alienatum, quod agnatis nominatim datur, filiis tanto magis tribuendum est, quo certius constat, ne ullum quidem legis illud impedientis aut prohibentis vestigium in libris feudorum inveniri .. Si illud argumentum comparetur cum argomento BOEMERI primo & secundo supra §. XIII. exposito, manifestum est, illud cum his in substantia plane idem esse, & non nisi nova continere verba,

verba. Non erit itaque, cur illud specialiter refutemus, sed sufficiat ad §. XIII. provocasse, hoc unicum addendo, quod juxta deducta ad §. IV — XII. non tantum plura legum jus revocandi intuitu filii impeditientium & prohibentium vestigia in feudorum libris inveniantur, sed & adeo analogia juris obstat juri revocandi. *Quintum & ultimum* argumentum BOEHMERUS loc. cit. in eo ponit: “Denique §) quod filii “simil cum patre investitis jus revocandi feudum alienatum ne in con-“troversiam quidem vocetur ab interpretibus juris feudalium „. Quam inefficax & irrelevans hocce sit argumentum, BOEHMERUS ipse manifestat, dum a) filiis jus feudum *novum* à patre alienatum revocandi expressis denegat verbis, & tamen hanc mox subjiciat limitationem: “nisi vel jus succedendi sibi *promissum accepert*, vel simultaneè cum “patre sint investiti „. Cum ergo ipsemet BOEHMERUS ex eo, quod filii de feudo *novo* investiti *simultaneè* jure revocandi gaudeant, non audeat inferre, quod etiam non *simultaneè* investitis jus feudum *novum* revocandi competit; etiam exinde facultatem feudum *antiquum* revocandi nullo filiis adstruere poterit jure, siquidem eadem disparitatis ratio, quæ inter filios *simultaneè* *investitos & non simultaneè investitos* intercedit intuitu feudi *novi*, etiam ad feendum *antiquum* perfecte quadret, eoquod filii *simultaneè* *investiti* in feudo *novo* æque ac *antiquo* non beneficio patris sed jure proprio per *simultaneam investituram* *acquisito* succedant, quod tamen tam in feudo *novo* quam *antiquo* secus est, si *simultanea investitura* deficiat.”

a) Loc. cit. §. 3.

§. XVIII.

Quod filius, qua hæres patris, jure revocandi non gaudeat, confirmatur generali quodam principio à BOEHMERO pro contraria sua opinione fundanda adducto.

Ne exceptio, quod filius in feudo successorus hæreditati patris allodiali debeat se immiscere, juri revocandi sit impedimento, BOEHMERUS a) conatur evincere, quod obligationi hæredis præstandi factum defuncti satisfiat, si filius pretium feudi alienati refundat alienatario. Ad hoc

a) Loc. cit. §. 4.

hoc probandum sequens efformat principium generale: " Obligatio-
 " nis, qua ob aditam hæreditatem hæres obstringitur, vis omnis in
 " eo posita est, ut defuneti facta, quæ vel ad res in hujus potestate
 " positas spectant, vel ad res, quæ pendent ab hæredis arbitrio, is præ-
 " stare teneatur. Quæ vero defuneti facta neque ad res defuncti; ne-
 " que ad res hæredis proprias respiciunt, ab hærede præstanta non sunt." Hocce principium legibus omnino conveniens tanquam certum & in-
 dubitatum agnoscimus, ac inde sit argumentamur: atqui alienationem
 feudi *consenſu domini* firmatam approbare, & ratihabere, pender à filii,
 hæredis patris, *arbitrio b)*, ac feudum quoad sūt usum pertinet ad res
 filii & hæredis patris alienantis *proprias c)*. Ergo & filius, qua hæres
 defuncti patris feudum alienantis, hujus factum præstare, ideoque
 feudum ab hoc alienatum revocare non potest.

- b) Quia textus II. f. 52. pr. & II. f. 55. pr. arbitrio vasalli relinquunt,
 feudum *cum domini consenſu* alienare.
- c) Hoc enim ipse BOEHMERUS loc. cit. §. 5. hisce propriis defendit verbis:
 " Feudi quoque commodum, donec filio vita suppetit, *in rebus ejusdem*
 " *proprius annumerare licet* ..

§. XIX.

Explicatur l. 69. §. 1. ff. de legat. 2. à BOEHMERO obmota.

Pofito generali hoc principio BOEHMERUS ita pergit: " Hinc nec alie-
 " natione fideicommissi, familie relieti, ii, qui sunt de familia stare
 " obligantur, nec in eâ revocandâ hæreditatis aditione impediuntur,
 provocans loc. cit. lit. m. ad PAPINIANUM in l. 69. §. 1. ff. de legat. 2.
 ita respondentem: *Prædium, quod nomine familie relinquitur, si NON VO-*
LUNTARIA facta sit alienatio, sed bona hæredis veniant, tamdiu emptor
retinere debet, quamdiu debitor haberet bonis non venditis: post mortem ejus
non habiturus, quod exter hæres præstare cogeretur. Verum hæc lex pro
 justificando BOEHMERI asserto minime sufficiens est, siquidem ex ea non
 appareat, quod proximior de familia in fideicommisso successurus si-
 mul sit possessoris & fideicommissum familie alienantis hæres cætero-
 quin universalis: hoc enim non tantum ex nullo hujus legis verbo
 colligi potest, sed & nequidem verosimile est, eoquod in casu dictæ
 legis hæres fiduciarius, fideicommissum alienans, adeo obæratus fue-
 rit,

rit, ut illius bona publice distracta sint, ceu indicant verba: *sed bona hæredis venant*: præsumi autem non potest, quod proximus de familia in fideicommisso successurus hæreditatem fiduciarii hæredis, utope debitoris taliter obærati, cæteroquin universalem adierit. Et lex cit., si ita non explicaretur, contradiceret aliis legibus a) clare definiensibus, quod, si possessor fideicommissi familie illud extraneo per ultimam voluntatem relinquat, & proximiorem de familia, ideoque ad successionem fideicommissariam de se qualificatum instituat hæredem, huic non liceat petere fideicommissum ab extraneo.

a) L. 114. §. 15. 16. & 18. ff. de legat. 1. ubi: cum pater filio hæredem instituto, ex quo tres habuerat nepotes, fideicommissit, NE FUNDUM ALIENARET, ET UT IN FAMILIA RELINQUERET, & filius decadens duos hæredes instituit, tertium exhaledavit, eum fundum extraneo legavit: divi severus & Antoninus rescripsérunt, verum esse non paruisse voluntati desuicti. §. 16. sed & si cum duos exhaledavit, unum hæredem instituit, fundum extraneo legavit, ut putat Marcellus, POSSE EXHÆREDATOS PETERE FIDEICOMMISSUM... §. 18. Item si unum hæredem instituisset, nec quicquam legasset, EXHÆREDATI NIHIL INTERIM, QUAMDIU IN FAMILIA RES EST, PETERE POSSUNT. Item l. 67. §. 3. & 4. ff. de legat. 2. ubi: sed si uni ex familia hærede instituto, ille fundus extraneo relictus est: perinde fideicommissum ex illo testamento petitur, ac si nemo de familia hæredi hæres extitisset. VERUM IS, QUI HÆRES SCRIPTUS EST, RATIONE DOLI EXCEPTIONIS CÆTERIS FIDEICOMMISSUM PETENTIBUS FACERE PARTEM INTELLIGITUR: NAM QUÆ RATIO CÆTEROS ADMITTIT, EADEM TACITAM INDUCIT PENSATIONEM. §. 4. Si duos de familia non æquis portionibus hæredes scripsérunt, & partem (forte quartam) extero ejusdem fundi legavit. Pro his quidem portionibus fideicommissum non petetur, non magis, quam si alteri fundum prælegasset. Pro altera vero parte, quæ in extraneum collata est, virilem, qui sunt de familia, petent, ADMISSA PROPTER HÆREDES VIRILIUM PORTIONUM PENSATIONE.

§. XX.

Explicatur l. 67. §. 3. & 4. ff. de legat. 2.

Obmovent equidem adversarius noster BOEHMERUS a) ex his legibus §. præced. lit. a. adductis tantum colligi "fideicommisso per ultimam
" VO-

a) *Dissert. cit. cap. 2. §. 4.*

“ voluntatem in extraneum collato hæredes fiduciarii hæredis illud
 “ persequi non posse, si præter eos alii adsunt de familia, qui illud
 “ pertant, hæredis tamen in partem vocatis; fin vero nulli præter hos de fa-
 “ milia supersunt, iisdem fideicommissum petere integrum est „. Hoc asser-
 “ tum ipse b) ex eo probare ntitur, quia “ in l. 67. §. 3. ff. de le-
 “ gat. 2. ejusmodi fideicommissum extraneo relictum, uno de familia
 “ hærede instituto, peti posse dicitur, ac si nemo de familia hæredi
 “ (fiduciario) hæres extitisset. Institutus ergo eodem, quo, si hæres
 “ scriptus non esset, uteretur, jure ad fideicommissum venit; id quod
 “ declaratur verbis, quæ insequuntur: verum is, qui hæres scriptus est,
 “ ratione doli exceptionis cæteris fideicommissum potentibus facere partem in-
 “ telligitur: nam quæ ratio cæteros admittit, eadem tacitam inducit pensatio-
 “ nem, id est: solutionem seu distributionem ejus, quod ad omnes
 “ pertinet. Hoc sensu pensatio in §. 4. ejusdem legis usurpat: admissa
 “ propter hæredes virilium portionum PENSATIONE „. Huc usque BOEHME-
 RUS, cui ita respondemus: Quod hæres institutus cæteris de familia
 ad fideicommissum vocatis partem faciat, ideoque hi accipient partes
 tantum viriles, deducta scilicet parte hæredis instituti, clara legis ver-
 ba extra dubium ponunt: Quod autem (ut vult BOHMERUS) hæc pars
 hæredis instituti huic ipsi proficit, & compensando acquiratur, adeoque
 extraneus ab hac excludatur, ex dicta lege non tantum conjecturari
 nequit, sed potius contrarium exinde se manifestat: Enimvero in casu
 cit. legis extraneus fundum fideicommissarium non ex hæredis instituti,
 sed ex testatoris manibus immediate consequitur c). Perconsequens post
 testa-

b) Ibid. lit. p.

c) Nam si hæres institutus ex testatoris, & extraneus dein ex illius manibus
 acciperet fideicommissum, cæteris de familia pars nulla virilis compete-
 ret, uti expresse sancitum in cit. l. 67. §. 5. hisce: sed et si fundum hæres
 uni ex familia reliquerit, ejusque fidei communiserit, UT EUM EXTERO RESTI-
 TUAT: quæ situm est, an hoc fideicommissum peti possit? dixi ita demum
 peti posse, si præterea tantundem ei relictum esset, quod fundi pretium efficiat:
 sed siquidem ille prior testator ita fideicommissum reliquist: ROGO FUNDUM,
 CUI VOLES, AUT QUIBUS VOLES EX FAMILIA, RELINQUAS, rem in expe-
 dito fore: quod si talia verba fuissent: PETO, NON FUNDUS DE FAMILIA
 EXEAT, hæredis hæredem propter sequens fideicommissum, quod in exterum
 collatum est, oneratum intelligi; PETITURIS DEIN CÆTERIS EX PRIMO TES-
 TAMENTO FIDEICOMMISSUM POST MORTEM VIDELICET EJUS, QUI PRIMO
 ELECTUS EST.

testatoris mortem fundus ille pro nullo momento in hæredis instituto personam transit, sed statim ab extraneo acquiritur. Ideoque cæteri de familia viriles suas portiones nequidem possunt ad hærede instituto, sed necessario debent ab extraneo petere. Compensatio, de qua in dicta lege sermo est, sit detrahendo partem fideicommissi hæredi instituto de se competentem: atqui hæres institutus hanc partem detrahere nequit, quia fundum fideicommissarium non possidet, & hinc à cæteris de familia pro extradendis partibus suis virilibus nequidem convenibilis est; extraneus autem potest eam detrahere, quia fundus integer per testatoris manus ad hunc pervenit, ideoque & à cæteris de familia pro portionibus suis convenibilis est. Ergo & non ille, sed hic præfata compensatione (seu juxta legis verba: *pensatione*) uti, consequenter lucrum inde proveniens sibi acquirere debet, & sic ad hæredem institutum nulla fundi fideicommissarii pars transit, sed is à toto manet exclusus. Præsertim si attendatur, quod exhæredati nihil interim, quamdiu in familia res est, petere possint d), & nihilominus sanctum sit: si pater, cum duos (filios) exhæredavit, unum hæredem instituit, fundum extraneo legavit, posse exhæredatos petere fideicommissum e). Ex quo unico evidens est, quod proximiiori de familia, hæredi instituto, fideicommissum extraneo relictum in familiam revocare non liceat, quia alias exhæredati hoc in casu ad successionem venire non possent. Imo quod hæres institutus adeo in casu, quo nulli præter illum de familia ad petendum fideicommissum supersunt, hoc ab extraneo repetere non audeat, contra BOEHMERUM evincitur ex clara cit. l. 67. §. 5. f), ubi scilicet cautum est, quod si testator hæredis instituti fidei commiserit, ut fideicommissum familie extraneo restituat, tunc is hocce fideicommissio censeatur oneratus, & extraneus illud totum petere possit, quin pars ulla virilis ad cæteros de familia vivente hærede instituto perveniat.

d) L. 114. §. 18: ff. de legat. 1. verum enim est in familia reliquisse, licet uni reliquisset. L. cit. §. 17. nam postquam paritum est voluntati, cæteri conditione deficiunt. cit. l. 67. §. 2.

e) Cit. l. 114. §. 16.

f) Vid. hoc §. lit. c.



§. XXI.

Ad obmotam l. 69. §. 1. ff. de legat. 2. ulterius respondeatur.

Quidquid si cit. l. 67. §. 1. ff. de legat. à BOEHMERO obmota (posito sed non concessso) interpretari non posset, uti supra §. XIX explicata & restricta est ad casum, quo proximus de familia *non simul* est hæres defuncti universalis, tamen adhuc alia subintraret decantata interpretationis, & legum sibi apparenter contradictum conciliacionis regula, scilicet: quod lex quæstionem *principaliter* decidens semper sit præferenda legi hanc tantum *incidenter* tangenti. Atqui cit. l. 114. §. 15. 16. & 18. ac cit. l. 67. §. 2. 3. 4. & 5. propositam quæstionem: num proximus de familia, si simul sic hæres institutus universalis, fideicommissum familie extraneo relictum revocare possit? *principaliter* definitiunt: econtra cit. l. 69. §. 1. hanc quæstionem *incidenter* tantum tangit, & *principaliter* versatur circa quæstionem: utrum fideicommissio familie in extraneum alienato *statim vivente* *ad bac alienatore*, an vero *eo demum mortuo* à cæteris de familia repeti possit a), ceu patet

-
- a) Incidenter hic dictum sit, quod pro resolvenda hac quæstione variis distinguendi sint casus: vel enim fideicommissum alienatur propter debitum testatoris fideicommissum constituentis, vel non: Si illud, tum fideicommissum extinguitur, nam si hæredis propter TESTATORIS creditores bona venierunt, fortunam communem fideicommissarii quoque sequuntur. L. 114. §. 14. ff. de legat. 1. ideoque si creditor ab eo, qui TESTAMENTUM FECIT, domum acceptam jure pignoris vendidit: contra emptorem fideicommissi causa, tametsi voluntatem defundi non ignoravit, nihil decernetur. l. 78. §. 4. ff. de legat. 2. Hoc idem de libertate fideicommissaria cautum est in l. 9. ff. de fideicommiss. libert. Sin hoc, id est: Si alienatio non fiat propter testatoris fideicommissum constituentis debitum, subdividendum est. sub qua formula fideicommissum sit primitus constitutum. An sub illa: ne fundus alienetur, sed ut in familia relinquatur: an vero sub hac: ne fundus de familia exeat. Si fideicommissum sub hac ultima formula sit relictum, proximi de familia vivente alienatore jure revocandi non gaudent, nam si talia verba fuissent, PETO, NE FUNDUS DE FAMILIA EXEAT, hæredis hæredem propter sequens fideicommissum, quod in exterum collatum est, oneratum intelligi, petituris deinceps ex primo testamento fideicommissum POST MORTEM videlicet ejus, qui primo electus est. Et ideo... non alias, ei, qui electus est, fideicommissum præstandum erit, quam interpositis cautionibus; fundum, CUM MORIETUR, si

ter ex hujus legis verbis: si NON VOLUNTARIA sit alienatio, sed bona hæredis VENEANT, tamdiu emptor retinere debet, quamdiu debitor haberet bonis

D 2

non

non in familia cum effetu reliqueretur, restitui. Ita sancivit l. 67. §. 5. & 6. ff. de legat. 2. Eaque de causa in cit. l. §. 3. & 4. cavitur, quod cæteri de familia non tantum fideicommissum, sed portiones suas viriles tantum accipiant, parsque hæredis instituti virilis admissa pensione remaneat penes extraneum, cui fundus fideicommissarius est relictus. Sin fideicommissum sub priore formula: ne fundus alienaretur, sed ut in familia relinqueretur, constitutum sit, ulterius debet distingui, num alienatio sit necessaria, an voluntaria: si alienatio sit voluntaria sive inter vivos sive mortis causa, cæteri de familia statim vivente etiam alienatore fideicommissum repetunt: etenim si testator fratre hærede instituto petit: NE DOMUS ALIENARETUR, SED UT IN FAMILIA RELINQUERETUR. Si non paruerit hæres voluntati, sed DOMUM ALIENAVERIT, VEL EXTERO HÆREDE INSTITUTO DECESERIT: omnes fideicommissum petent, qui in familia fuerunt. L. 69. §. 3. ff. de legat. 2. Quare in casu, quo patronus libertis prædium reliquit, ac petuit: NE ID ALIENARENT, UTQUE IN FAMILIA RETINERENT, si excepto uno cæteri partes suas vendiderint, qui non vendidit, cæterorum partes, quibus non dedit alienandi facultatem, integras petet. Eos enim ad fideicommissum videtur invitasse, qui judicio paruerunt: alioquin perabsurdum erit, VICE MUTUA petitionem induci; scilicet ut ab altero partem alienatam quis petat, cum partem suam alienando perdidit. Sed hoc ita procedere potest, si pariter alienaverit. Cæterum prout quisque prior alienaverit, PARTEM POSTERIORIBUS non faciet: qui vero tardius vendidit, ei, qui non vendidit, in SUPERIORUM PARTIBUS fecisse PARTEM intelligitur. L. 77. §. 27. ff. de legat. 2. Eadem hæc decisio in l. 9. & l. 21. ff. de fideicommiss. libert. applicatur quoque ad fideicommissariam libertatem. Si vero alienatio sit necessaria propter hæredis fiduciarii alienantis debitum, per hujus demum mortem cæteris de familia jus revocandi nascitur, enim vero si non VOLUNTARIA facta sit alienatio, sed bona hæredis VENEANT, tamdiu emptor retinere debet, quamdiu debitor haberet bonis non venditis, POST MORTEM EJUS non habiturus. L. 69. §. 1. ff. de legat. 2. Interim intuitu fideicommissariæ libertatis pro hoc casu specialiter provisum est, quod etiamsi alienatio servi sit necessaria propter hæredis fiduciarii alienantis debitum, servus statim vivente etiam alienatore consequatur libertatem, nam idem (quod nec quasi POST MORTEM hæredis data videatur, sed CONFESTIM libertas petatur) probandum est, & si non VOLUNTARIA alienatio ab hærede facta est. Nec refragabitur, quod non per ipsum alienatio facta est: sicut enim quasi statu liber, & quacunque ratione conditio impleta est. Cit. l. 21. ff. de fideicommiss. libert.

non venditis. Ergo in decidenda prima quæstione cœtatis legibus 114 & 67. illam negative resolventibus indistinctim insistendum est b).

b) Notari hec meretur, quod, quam certum sit, dispositionem per ultimam voluntatem factam esse veram alienationem, tam aperte sibi contradicat BOEHMERUS, dum in *cit. dissert. cap. 3. sett. I. §. 4.*, differat: “ hinc nec alienationi fideicommissi familiae relieti, ii, qui de familia sunt, stare obligantur, nec in ea revocanda hereditatis aditione impediuntur „: contra autem *loc. cit. cap. 2. §. 3.* expressis fateatur verbis: “ ex his colligitur, ultimam de ejusmodi fideicommisso (ne fundum alienaret, & ut in familia relinqueret) voluntatem, qua in familia id relinquitur, omnino valere, eodem autem per ultimam voluntatem in extraneum collato, heredes fiduciarii heredis illud persequi non posse, si praeter eos alii adsunt de familia, qui illud petant „.

§. XXII.

Quod haeres alienationem defuncti impugnare non possit, hic non suo jure efficit, sed obligatio ab illo sponte suscepit ejus causa est.

Suum BOEHMERUS a) ita continuat argumentum: “ Neque enim is, qui rem alienat, quam ea lege, ut aliis eam restituat, possidet, jure suo efficere potest, ut ea in perpetuum emptori permaneat, quoniam ipsius jus morte durare definit „. BOEHMERUS hec sane in falsissimo est supposito: credit enim, quasi defunctus jure suo efficeret, ut haeres ejus factum præstare debeat, cum tamen extra omnem positum sit controversiam, quod fundamentum præstandi factum defuncti in aditione hereditatis consistat, quam adire vel repudiare à liberrimo dependet heredis arbitrio, ita tamen ut si eam semel adierit, hoc ipso in defuncti personam subintret, unamque cum eo repræsentet b). Quam indubitarum nunc est, quod non defunctus jure suo, sed haeres proprio & voluntario suo facto, hereditatis scilicet aditione, efficiat, ut defuncti factum præstare debeat, tam evidens quoque esse oportet, quod non defunctus jure suo, sed haeres proprio & voluntario suo facto efficiat, ut res, huic restitui jussa, in perpetuum apud emptorem maneat. Sicuti quoque is, qui rem prorsus alienam nullo juris vinculo sibi

a) *Dissert. cit. cap. 3. sett. I. §. 4.*

b) *Nov. 48, in præfat.*

sibi subjectam, sed alium dominum recognoscentem alienat, jure suo efficere non valet, ut huic eam vindicare volenti obster exceptio rei venditæ & traditæ, & nihilominus tamen hic, si fiat hæres alienans, proprio & voluntario suo facto, hæreditatis scilicet aditione, efficit, ut hac exceptione excludatur à vindicatione rei suæ propriæ c).

c) L. I. §. I. ff. de except. rei vendit. & tradit. supr. §. 12. adduct.

§. XXIII.

Pater, hæres Fiduciarius, filiis jus succedendi in fideicommissum invertere valet.

Pergit porro BOEHMERUS loc. cit.: " Neque (pater) filiis jus succeden-
di in eam (rem restitui iussam) interverttere valet, quum id ipsum
adversetur fideicommittentis voluntati, quam leges tuentur & ser-
vant „. Ast legibus clare loquentibus fileat BOEHMERUS hisce reluctans:
Habemus enim legem a) pro decidenda quæstione: an & in quantum
filius fideicommissum à patre alienatum revocare possit? vere pragma-
ticam & notatu dignissimam, cuius casus est hic: HIERIUS filius suis CON-
STANTINO, ANTHEMIO, CALLIPPIO, ALEXANDERI, & nepoti suo HIERIO hæ-
reditatem ultima reliquerat voluntate, adiectâ hac fideicommissi clau-
sulâ: ut eam neque per venditionem, neque donationem, neque permutatio-
nem, neque quoconque tandem titulo in aliud transferant, rejiciantve, aut
eam.. E MEO NOMINE AUT MEA FAMILIA ALIENENT, sed siquidem, quod Deus
faxit, nascantur filii, & reliefs post se filiis aut nepotibus.. moriantur, ut
pro se quisque deputatum.. filiis ac nepotibus legitimis aut etiam naturalibus
suis relinquant... si vero in universum omnes, aut aliqui, aut unus ex iis
sine liberis decedat, volo ac jubeo, ut.. superstitibus aut superstiti.. CITRA
ULLAM EXCEPTIONEM RESTITUAT... propterea quod.. per omnia & PERPETUO
VELIM PERMANERE IN FAMILIA MEA, NEC UNQUAM DE MEO NOMINE EGREDI.
Volo autem ac jubeo... NE UNQUAM DE FAMILIA MEA, MEOQUE NOMINE
ABALIENENTUR. Nepos HIERIUS unam domum sibi relictam aliis vende-
bat, & aliam transmittebat ad filium suum CONSTANTEM, qui hanc
matri suæ MARIAE, & uxori suæ, MARIAE quoque dictæ, testamento me-
diantे pupillari substitutione relinquebat. ALEXANDER, testatoris fidei-
cumenti committentis

committentis filius, testamentum hocce impugnans, domum fideicommissariam à duabus illis revocabat MARIUS, ajens: *Defunctum satis manifeste suam in codicillo sententiam de iis rebus declarasse, cum RES FAMILIAE CONSERVARI VOLUERIT* b). Causa pro & contra perfecte cognitâ fancivit JUSTINIANUS c) ut neque glorioſiſimus vir ALEXANDER, aut EJUS FILII, neque reliqui senioris HIERII glorioſae memoriae LIBERI, neque ALIUS QUISQUAM OMNIUM, QUI GENUS SUUM IN EORUM FAMILIAM REFERUNT, vel MARIAM & MARIAM glorioſiſimas faminas occasione rerum apud istas conſiſtentium, vel alios, apud quos aut hoc tempore res exiſtant, aut ad quos ſequente tempore pervenituræ ſint, in quibus ALIENATIONEM forte HIERIUS glorioſae memoriae PROHIBUIT, adoriantur judicio, aut omnino mentionem de cætero prohibitionis & familiæ nominis faciant, & aliquod exinde jus ſibi acquirant: utpote cum ET ALII HIERII GLORIOſae memoriae filii res suas abalienaverint, ET REliquorum quodammodo alienationibus conſenſerint, ac per has, neque non alias, quas prædiximus rationes, que ad hujusmodi judgmentem & LEGISLATIONEM abunde nobis ſufficiunt, ſibi pariter & SUCCESSORIBUS suis actiones, quæ iPSIS POTUSSENT COMPETERE, SUSTULERINT. Ex quo eluet, quod leges voluntatem fideicommittentis, & expreſſe præcipientis res fideicommisso ſubjectas per omnia & perpetuo permanere in familia mea, neque unquam de meo nomine egredi, in tantum non tueantur, ac ſervari jubeant, ut cum fideicommittentis filii res suas abalienaverint, & reliquorum quodammodo alienationibus conſenſerint, eorum ſuccelfores ad eas revocandas ullam retineant actionem, ſed potius expreſſe caveant, quod his omnis actio revocandi ſit ſublata.

b) Nov. cit. in præfat.

c) Nov. cit. cap. 3.

§. XXIV.

Respondetur ad objectas à BOEHMERO l. 3. §. 3. ff. ſiquid in fraud. patron. fact. & l. 2. c. ſi in fraud. patron. à libert.

Ulteriora BOEHMERI loc. cit. verba ſunt hæc: “ cui conſentaneum eſt illud, quod res, quas leges hæredi relinqui jubent, vel alienari prohibent, & ſi nihilominus alienatæ fuerint, ab hæredi revocari poſſint „. Leges,

ges, ex quibus is a) hoc assertum probare nütitur, sunt 1.) l. 3. §. 3. ff. siquid in fraud. patron. fact. b), 2.) l. 2. C. si in fraud. patron. à libert. c), 3) l. 2. c. de in offic. donat. d), & 4) l. 7. c. de agricol. & censit. e). Quam irrelevantes autem sint omnes hæ leges, hisce deducimus: **Enimvero** duæ priores cit. l. 3. §. 3. ff. & l. 2. c. tantum dicunt, quod si libertus, **decedens intestatus**, in fraudem patroni, portionisque huic debitæ f) **quid alienaverit**, patronus id per actionem calvianam revocare possit, **perconsequens non loquuntur de casu**, quo patronus liberti hæres est **factus**, adeoque hec deficit fundamentum, cur ad facta hujus præfactus, **Præsertim cum expresse sancitum sit**, quod **patronus, patronique liberi, si SECUNDUM VOLUNTATEM MORTUI LIBERTI HÆREDITATEM ADIERINT, legatumve, aut fideicommissum petere maluerint: AD CONTRA**

TA-

- a) Loc. cit. lit. n. & o.
- b) Hujus verba ita sonant: si intestatus libertus deceperit, patronus adeundo hæreditatem ejus revocat per calvianam actionem ea, quæ alienata sunt dolo malo, quominus pars ex testamento debita bonorum liberti ad patronum liber rosve ejus perveniret.
- c) Sequentis tenoris: *Desunflo quidem liberto patronus intestato succedens per actionem calvianam in ejus fraudem alienata revocare potest.*
- d) Ubi: Si pater OMNE patrimonium suum impetu quodam immensæ liberalitatis in filium effudit, aut in potestate ejus is manxit: Et arbitri familæ ericiscundæ officio congruit, ut tibi quartam partem debitæ ab intestato portionis præstat incolumem: aut si emancipatus is fuit, quia donatio non indiget alie no adminiculo, sed suis viribus nütitur contra constitutiones: is, qui provinciam regit ad similitudinem inofficiosi testamenti querelæ, auxilium tibi aquitatis impertiet.
- e) Ibi: Quemadmodum originarios absque terra: ita & rusticos, censitosque ser vos vendi omnifariam non licet. Neque vero commento fraudis id usurpet legis illusor, quod in originariis saepe est attitatum, ut parvæ portione certæ terra emptori traditæ, omnis integri fundi cultura adimatur: sed cum soliditas fundorum vel certa portio ad unumquemque perveniat, tanti quoque servi & originarii transeant, quanti apud superiores dominos, & possessores vel in soliditate, vel in parte manserunt: Et emptor pretium, quod dedit, amissum existimet: nihilominus VENDITORI AD REPETENDOS SERVOS CUM AGNATIONE EORUM VINDICATIONE CONCESSA, & si aliqua ex causa dissimulaverit legis usurpare beneficium, atque iste sub hac taciturnitate deceperit: HÆREDIBUS ejus, & contra hæredes vindicationem damus.
- f) Portio hæc patronis ex hæreditate libertorum debita determinatur in §. 3. inst. de success. libert.

TABULAS BONORUM POSSESSIONEM NON ADMITTANTUR g), nam absurdum videtur licere eivem partim comprobare iudicium defuncti, partim reverttere h). Nec obstat, quod in cit. l. 3. §. 3. dicatur, patronum hereditatem liberti adisse, & nihilominus in fraudem alienatum revocare posse: siquidem in casu hujus legis libertus decessit intestatus, ideoque patronus hereditatem illius, ultra portionem sibi ex lege debitam, fraudulentia alienatione diminutam non liberti intestato decedentis beneficio ac liberalitate, sed solius legis beneficio tanquam creditor legalis adiit, consequenter deest ratio, cur hic facta liberti, debitoris sui legalis, praestet.

g) L. 6. §. 4. ff. de bon. libert. add. l. 8. §. 3. eod.

h) L. 7. eod.

§. XXV.

Nec non ad l. 2. c. de inffic. donat. & l. 7. c. de agricol. & censit.

Hæc eadem responsio quadrat quoque ad obmotam l. 2. c. de inoff. donat., eoquod in casu illius etiam filius non est hæres patris inofficiose donantis: si enim is hujus hæres fuisset, donationem impugnare non potuisset, ceu probatur argumento à contrario l. 24. c. de donat. ubi: *si patri tuo HÆRES NON EXSTITISTI, ex facta ab eo liberalitate titulo donationis non posse jura tua lædi, manifestissimi juris est.* Ad validitatem hujus argumenti à contrario probandam sufficiat testimonium ipsius BOEHMERI a) expresse fatentis: *“ Jura filii hæredis quidem per donationem rerum ipsius, à patre factam, lædi posse, ducto argumento à contrario ex l. 24. c. de donat. colligitur „ — Quod denique obmotam l. 7. c. de agricol. & censit. Attinet, revera miramur, quomodo BOEHMERUS ex ea deducere velit, hæredem factum defuncti praestare non debere, cum tamen clara illius verba ipse VENDITORI ad repetendos servos vindicatione concessa, & (tunc demum) si aliqua denique ex causa dissimulaverit LEGIS usurpare BENEFICIUM, atque iste sub hac taciturnitate decesserit, hæredibus ejus vindicationem dent. In vim hujus legis iraque vendor ipse, & eo defuncto hæres ejus speciale hoc habet legis beneficium, quod servos absque terra alienatos vindicare queat. Perconsequens ex hac lege minime evincitur, quod hæres impugnare possit alienationem, quam*

a) Loc. cit. §. 5. lit. t.

quam servare debuit defunctus. Hæc lex igitur pro substratâ materiâ tamdiu manet inapplicabilis, quamdiu BOEHMERUS non probat, quod fideicommissum vel feudum alienans ipse speciale hoc habeat legis beneficium, illud ab alienatario revocandi.

§. XXVII.

Refutatur BOEHMERUS, dum scribit quod filius, qua hæres patris, satisfaciat obligationi factum defuncti præstandi, si feudum ab hoc alienatum revocet, & pretium refundat.

Cum hucusque deducta extra dubium ponant, quod hæres in tantum debeat præstare factum defuncti, ut rem propriam ab hoc alienatam revocare non possit, necessario sequitur, BOEHMERUM a) absque omni prorsus asserere juris fundamento, quod “quæ ex aditione hæreditatis paternæ ad filium pertinet obligatio, tota in eo consistat, ut pretium, quo venditum est feudum, emptori restituat ..”. Possemus igitur omne illud, quidquid ille de restitutione pretii in medium produxit, silentio quidem præterire: nihilominus ut falsitas adversariæ doctrinæ eo magis in oculos cadat, non inutile erit, latentes in eo absurditates paucis designare. BOEHMERUS hoc suum assertum conatur ita probare: “Pretium enim simul ac feudum revocatur, apud venditorem, ejusque hæredem sine causâ, atque obligatio ad illud restituendum habenda est instar debiti hæreditarii, quo filius, patris hæres, obstringitur. Quapropter is, nisi pretium, quod tempore venditionis solutum est, reddat, jure feudi revocandi uti non potest ..”. Sed quid si allodialis hæreditas patris taliter fuerit obœrata, ut nihil exinde commodi pervenerit ad filium, num hic tunc quoque restituat pretium? secundum BOEHMERI doctrinam affirmative responderi oportet, quia secundum eam filius indistinctim, nisi pretium tempore venditionis solutum reddat, jure revocandi non gaudet. Et tamen hoc casu nequit dici, pretium sine causa apud filium hæredem esse, siquidem hicce tali in casu pretium illud minimè possidet. Ergo filius tali in casu ex conditione sine causa obligatus foret ad restituendum pretium, quod ipse non possidet, nec etiam unquam possedit: cum tamen notissimi juris

E

a) Loc. cit. cap. 3. sect. I. §. 4. 1



juris sit, fundamentum conditionis *sine causa esse hoc, quod, quia pecunia mea ad te pervenit, eam mihi à te reddi bonum & æquum sit* b). En absurditatem primam! Porro expresse inquit BOEHMERUS, quod obligatio restituendi pretium sit *instar debiti hæreditarii*, ergo & illud in casu, quo præter filium existant hæredes alii allodiales, ab his pro partibus suis hæreditariis deberet agnosci c). Et nihilominus BOEHMERUS sine omni restrictione filium, *nisi pretium tempore venditionis solutum reddat, à jure revocandi arcit.* Ergo onus reddendi illud pretium pro partibus hæreditariis non distribuitur inter cohæredes, sed soli incumbit filio. En absurditatem alteram! Nec est, cur dicas, BOEHMERUM hec tantum intelligendum esse de casu, quo filius est solus & unicus hæres patris allodialis: nam dum ipse loc. cit. §. subseq. 5. de rei allodialis alienatæ domino, & simul alienantis hærede ait, quod hic rem propriam repetere non possit, nisi pretio refuso, expresse notat, quod hic, si habeat plures cohæredes, tantum pro sua portione hæreditariæ pretium restituere debeat. Quod notamen BOEHMERUS, dum de filio feudum revocante, utpote principali suæ dissertationis objecto, loquitur, certo non omisisset, si illud de filio quoque intellectum voluissest.

b) L. 32. in f. ff. de reb. cred.

c) Nam pro hæreditariis partibus hæredes onera hæreditaria agnoscere, etiam infisci rationibus placuit, l. 2. & 6. c. de hæred. action. l. 14. c. de rei vindic. l. 14. c. ad leg. falcid, l. 7. c. de negot. gest. l. 3. c. de contrar. jud. tutel. l. 7. c. de bon. author. jud. possid.

§. XXVII.

Explicatur l. ult. c. de evict. & l. 73. ff. eod.

Denique BOEHMERUS a) ex l. ult. c. de evict. b), & l. 73. ff. eod. c) hoc trahit argumentum: "quod hæredi jure hæreditario, seu tanquam hæredi

a) Loc. cit. §. 5.

b) Ubi: hæredem fidejussoris rerum, pro quibus defunctus apud emptorem intercesserat pro venditore, factum ejus, cui successit, ex suâ personâ dominium vindicare non impedit: scilicet evictionis causâ durante actione.

c) Ibi: seja fundos mevianum & sejanum, & cæteros doti dedit: eos fundos vir titius, vivâ sejâ, sine controversia possedit: post mortem deinde seja, sempronias

“ bæredi negatur, res ipsius à defuncto venditas vindicare, hoc jure proprio & ex suā personā facere non prohibetur, modo damnum, “ quod reus propterea incurrit, resarciat, seu illud præstet, quod re “ per sententiam judicis ablatā ab omni hærede debetur „. BOEHME-
RUM vero hasce leges male intellexisse, & explicasse, illas debite ex-
ponendo commonstramus: PAULUS jetus in cit. l. 73. enim tantum
respondit, quod sempronia, domina fundorum, & hæres sejæ, quæ
illos alienavit, jure QUIDEM proprio controversiam fundorum facere, hoc
est: illorum vindicationem in judicium deducere, sed titius fun-
dorum possessor 1.) evictis prædiis eandem semproniam hæredem sejæ con-
venire, vel 2.) exceptione doli mali summoveri possit. Duobus igitur tiriis
fruitur ex hac lege juris remediis, scilicet actione & exceptione. Actionem
habet, si permiserit fundos vindicari: tunc enim evictis prædiis
contra semproniam vindicantem agere potest ad præstationem evictio-
nis. Ast evictis prædiis locum quoque habere nequit exceptio, quia hæc
est exclusio actionis adversarii, & evictis prædiis impossibile est, quod
adversaria sempronia contra titium actionem vindicatoriam instituat,
ergo & impossibile esse debet, quod evictis prædiis titio competat ex-
ceptio, per quam ab actione summoveri potuerit semproniam. Sequela
hinc est necessaria, quod exceptio talis semproniam ab actione summo-
veri valens titio debeat competere prædiis NONDUM evictis. Ergo & sem-
proniam prædiis NONDUM evictis hac exceptione à sua actione excludi-
oportet. Genuinus igitur cit. l. 73. Sensus aliis non est, quam hic,
quod à titii fundorum possessoris electione dependeat, num vindica-
tionem à sempronia jure proprio institutam pati, & prædiis evictis ad
præstationem evictionis agere, num vero prædiis NONDUM evictis sem-
proniam exceptione doli mali ab agendo summovere malit. Prouti hoc
quoque in terminis DIOCLETIANUS & MAXIMINUS imperatores d) hisce
fancierunt: sed & si hæc (venditrici succedens) ex suā persona vindicit: vel
exceptione te doli mali, si HANC VIAM ELEGERIS, tueri, vel re evictā, si

E 2

DEFEN-

pronia hæres sejæ questionem pro prædiī proprietate facere instituit: quæro,
cum sempronia ipsa sit hæres sejæ, an jure controversiam facere possit? Pau-
lus respondit: JURE QUIDEM PROPRIO, non HÆREDITARIO, semproniam,
qua sejæ, de qua queritur, hæres extitit, controversiam fundorum facere
posse: sed evictis prædiis, eandem semproniam hæredem sejæ conveniri posse,
vel exceptione doli mali summoveri posse.

d) In l. 3. c. de reb. alien, non alienand.



DEFENSIONE MONSTRATA UTI NOLUERIS, *quanti tuā interest, poteris experiri.*
 Imo hoc nequidem est quid speciale intuitu hæredis proprio jure vindicare volentis, sed & idem quoque intuitu ipsius venditoris juris esse testatur ULPIANUS e), dum in casu, quo ipse venditor vindicatione agit, emptoris electioni committit, *num rem velit retinere intentione per exceptionem elisa: an potius, re ablata, causa stipulationis duplum consequi.* Ex hac ULPIANI doctrinā autem nullus sanā prædictus ratione audebit inferre, venditorem *invito etiam emptore gaudere jure revocandi rem venditam, huicque tantum obligatum esse ad evictionis præstationem.* Ergo & simile quid ex cit. l. 73. eo minus inferri poterit, quo clariss MARCELLUS f) scribat: *isi dominus fundi hæres venditori existat, bac illum exceptione (rei venditæ & traditæ) recte repellendum, quæ exceptio juxta prima & notissima juris principia non tantum oblato nondum evictionis pretio, sed etiam eo oblato repellit agentem.* — Quod sicuti venditor, ita & fidejussor, quem emptor ab eo evictionis causa accipit, rem suam ab illo venditam vindicare nequeat, omni caret dubio, eoquod hic fidejubendo consensum dat venditioni, ideoque tanquam convendor considerari debet g), consequenter & hæres fidejussoris eodem cum hærede venditoris dijudicari debet jure. Ne igitur obmota l. ult. c. de evict. legibus & principiis intuitu hæredis venditoris jamjam expositis contrarietur, oportet hanc legem restringi ad casum, quo scilicet emptor p̄ædictæ electioni de jure sibi competenti renunciavit, declarando: se nolle hæredem jure proprio vindicantem exceptione doli mali repellere, sed potius velle evictionem pati, & ad evictionis præstationem agere.

e) In l. 17. ff. de evict. ubi: *vindicantem venditorem rem, quam ipse vendidit, exceptione doli posse summoveri nemini dubium est... ELIGERE AUTEM EMPATOR POTEST, utrum rem velit retinere, intentione per exceptionem elisā: an potius re ablata ex causā stipulationis duplum consequi.*

f) In l. 1. §. 1. ff. de except. rei vend. & trad.

g) Nam exceptione doli recte eum submovebis, quem ab authore tuo fidejussorem acceperisti, si ejus nomine controversiam refert, quasi per suam uxorem, antequam tu emeres, comparaverit: qui venditioni adeo consensum dedit, ut se etiam pro evictione obligaverit; L. II. c. de evict.

§. XXVIII.

Refutatur BOEHMERUS in l. 31. ff, & l. 7. c. de liber. caus. SPECIALEM querens legis decisionem.

BOEHMERUS allegatas supra §. XIII. l. 31. ff. & l. 7. c. de liber. caus. haeredis servum proprium à defuncto, non-domino, manumissum in servitutem reducere prohibentes sub nulla veritatis specie detorquere valens *specialēm* in his deregere vult legis decisionem: “quoniam (ut “ipse a) ait) hoc casu *nulla alia ratione*, quam, *alienationem consensu* “*firmando*, *factum defuncti præstare potest*. Libertas enim non recipit aestimatio, nec si aestimari possit, pretium ejus manumisso, in servitutem rursus vindicato, lucro futurum est, ad quem tamen commo-“dum ex voluntate & facto defuncti pertinere debet ...” Verum præfatis legibus absque omni prorsus fundamento quid speciale attribui, imo si principia adversarii nostri BOEHMERI vera essent, haeredi debere licitum esse, servum proprium à defuncto, non-domino, manumissum in servitutem reducere: hisce propugnamus: *Enimvero imprimis certum est*, quod manumissio sit *donatio libertatis b)*, & quod illa à non-domino facta sit *nulla*, ideoque libertatem nequaquam tribuat, sed manumissum in servitute relinquit c). Manumissio à non-domino facta igitur est *nulla* & irrita *donatio libertatis*: “dum vero (haec sunt ipsa Boehmeri d) verba) irrita fit donatio, nulla est donantis ad pretium rei donatæ præstan-“dum obligatio; haeredis autem, quoad defunctum repræsentat, non alia est “obligatio, quam qua defunctus obstrictus est. Atque eam obligationem, “quæ ex donatione ad patrem pertinuit, ne quidquam faceret, quo-“minus jus translatum penes alterum salvum esset, filius haeres subire “non

- a) Loc. cit. §. 5. lit. t.
- b) L. 1. pr. c. de commun. serv. manumiss. ibi: servum libertate DONARE. Et l. 2. eod ubi: eum libertate in sua parte DONARE.
- c) Etenim si pater servum vestrum licet vobis minoribus viginti quinque annis consentientibus manumisit: EI LIBERTATEM PRÆSTARE NON POTUIT. l. 6. c. de his, qui à non domin. manumiss. Nemo enim alienum servum, quamvis ut proprium manumittat, AD LIBERTATEM PERDUCERE POTEST. l. 4. in eod. nam manumittendo NIHIL EGIT, quia nec dominium natus fuerit. l. 5. ff. de donat.
- d) Loc. cit. §. 6.



“ non tenetur „. Ergo etiam eam obligationem, quæ ex donatione libertatis ad manumittentem non-dominum perrinuit, ne quidquam faceret, quominus libertas donata penes servum manumissum salva esset, hæres subire non tenetur. Sequela hinc est necessaria, quod secundum hanc BOEHMERI doctrinam hæres deberet servum proprium à defuncto non-domino manumissum in servitutem repeterem posse, quin opus haberet, alienationem consensu firmando, factum defuncti praestare. Ecce BOEHMERUM & sibimet ipsi & claris legibus aperte contradicentem! Porro quid ad rem faciat, quod libertas æstimationem non recipiat? Servus enim à non-domino manumissus, hoc vivente, ad libertatem non perducitur, & post ejus mortem hæres factum manumissionis subire non teneretur, adeoque manumissus pro nullo temporis momento libertate gavisus est. Dein quid juvat, quod “ nec, si libertas æstimari possit, pretium ejus manumisso, in servitutem rursus vindicato, lucro futurum sit, ad quem tamen commodum ex voluntate & facto defuncti pertinere debet „? Etenim juxta BOEHMERI principia, “ dum irrita fit donatio, nulla est donantis ad pretium rei donatae præstandum obligatio; hæredis autem, quoad defunctum repræsentat, nulla alia est obligatio, quam qua defunctus obstrictus est „. Præsertim cum in casu, quo dominus non-hæres manumissum vindicat, manumittens ejusque hæres manumisso ad nihil obligetur, licet commodum manumissionis ad manumissum ex voluntate & facto manumittentis pertinere debeat.

§. XXIX. |

Refutatur interpretatio l. 24. c. de donat. a BOEHMERO facta.

A que inconcinne, & sibi contradicenter scribit BOEHMEEUS a): “ Jura filii hæredis quidem per donationem rerum ipsius, à patre factam, laedi posse, ducto argumento à contrario sensu ex l. 24. c. de donat. colligitur, tamen eundem nihilominus ex sententia l. 73. D. § l. ult. Cod. de evict. dummodo, solvendo pretium, defuncti voluntati satisfecerit, rem donatam vindicare posse arbitror „: Si enim permissum foret filio, licet patris hæredi, rem in sui præjudicium à patre donatam revocare, ex cit. l. 73. § ult. ad restitutionem pretii adstringi non posset

a) Loc. cit. §. 5. lit. t.

set filius. Enimvero hæ leges tantum agunt de evictione, & in obli-
gatione illam præstandi se fundant: donator autem illam præstare
minime tenetur b). Si itaque huc applicentur BOEHMERI verba: quod
“ separant leges & distinguant ea, quæ natura inter se distant, ac
“ sejuncta sunt, obligationem videlicet haeredis ad factum defuncti
“ præstandum, & ejusdem jus persequendi ea, que præter defuncti volun-
“ tam ad eum pertinent” c) ideoque “ dum irrita fit donatio, nulla
“ sit donantis ad pretium rei donatæ præstandum obligatio; haeredis autem,
“ quoad defunctum repræsentat, non alia sit obligatio, quam qua de-
“ factus obstrictus est. Atque eam obligationem, quæ ex donatione ad
“ patrem pertinuit, ne quid faceret, quominus jus translatum penes
“ alterum salvum esset, filius haeres subire non tenetur” d); consequen-
“ tia foret inevitabilis, quod filius donationem rerum ipsius, à patre
factam, absque omni restitutione pretii posset vindicare. En iterum BOEH-
MERUM & sibimetipsi & legibus contradicentem! Exinde nunc evidens
est, quod BOEHMERI interpretatio cit. l. 24. c. de donat., cum mani-
festam involvat contradictionem, pessima, adeoque huic præferenda
sit talis, quæ filio, patris haeredi, simpliciter & sine omni distinctione
ac restrictione prohibet donationem patris impugnare.

b) Nam labeo ait, si quis mihi rem alienam donaverit, inque eam sumptus mag-
nos fecero, & sic evincatur, nullam mihi actionem contra donatorem competere.
l. 18. §. 4. ff. de donat. etenim quid se restituturum donator repromittit, quan-
do nullum pretium interveniat, l. 62. pr. ff. de ædil. edit.

c) Loc. cit. §. 5.

d) Loc. cit. §. 6.

§. XXX.

*Si etiam jus feudale germanicum permetteret filio feudum à patre alie-
natum revocare, hoc tamen BOEHMERO nequaquam prodeisset.*

Leges feudales germanicas a) à BOEHMERO b)æque ac, ab hoc allegato,

LUDE-

a) *Jus feud. aleman. cap. 10. §. 4.* (ex edit Senckenberg) “ der Mann ist nicht
“ pflichtig zu leisten des Herrn Gelüpte noch das Kind des Vatters daß sy
“ ir Gut aufgeben und daß verlieren ”. *Jus feud. Saxon. art. 58.* der Mann
“ ist nicht pflichtig zu leisten sines Herrn Gelobede noch das Kind sines Vaters
“ umbe sin Gut zu lassen ”.

b) *Cit. Dissert. cap. 3. sect. 1. §. 3, lit. i.*

LUDEWIGIO c) obmoras quod attinet, ad has possemus respondere his
 BOEHMERI d). Verbis, quod " jure longobardico per germaniam tan-
 " quam communi recepto .. ut moribus germanorum antiquis vis legis
 " in foro tribuatur, eosdem vel speciali lege, vel consuetudine servatos esse
 " ac retentos constare necesse sit .. Sed BOEHMERUS nullà probavit littera,
 quod leges germanicæ adductæ speciali lege aut consuetudine hucusque
 servatæ fuerint ac retentæ. Perfecto igitur hoc quadrant hæc ordinatio-
 nis jud. imper. aul. e) verba: " daß gegen unsere klare Lehn-Rechten
 " denen allegirten, und nicht zu Recht probirten Lehn-Gebräuchen nicht zu
 " viel in relatione, noch decisione deserirt werde .. Hisce itaque senten-
 tia nostra contra præfasas leges germanicas satis tuta redditur, quin
 opus esset eas ulterius persecutari: nihilominus ad sententiam nostram
 adhuc magis fundandam, demonstramus usque adeo, quod filius quo-
 que secundum jus feudale germanicum feudum à patre alienatum revo-
 care nequeat.

c) In *Dissert. de obligat. successor. in principat. &c clientel. cap. 6. §. 2. lit. a.*
 ubi hic præter leges germanicas à BOEHMERO allegatas adducit adhuc se-
 quentes: " Sachs. Land-Recht. lib. I. art. 9. Stirbt auf einer, der sein
 " Lehen einem anderen auflassen solle, dessen ist es nicht pflichtig aufzulassen.
 " Er hab denn selber mitgelobt, oder Bürgen davor gesetzet .. ibid. art. 22.
 " Ohne der Erben Laub, und ohne Gericht mag kein Mann sein eigen Gut,
 " noch seine Leute vergeben .. Post hæc ulterius ita pergit: " Neque etiam
 " ulla obligatio filii vasalli in feudo ex delicto patris. Schwab. Lehn-Recht.
 " cap. 89. Si pater delictum commiserit feudale, privetur feudo, vindicetque
 " illud sibi dominus. Het aber der Mann einen Sohn, dem sol er (de do-
 " mino loquitur) das Lehen leihen. Porro neque respondere tenetur filius
 " in causa feudali ex facto patris. Schwab. Lehn-Recht. cap. 83. der Sohn
 " antwortet nicht an des Vaters Statt im Lehn-Rechte, nisi actio sit iure
 " concepta in rem vivo patre. Es seye dann, daß er das Gut in seiner
 " Gewalt habe, da der Vater um beklagt werde, da er lebete. Neque aliter in
 " uxorum donationibus, si ultra modum sint, cum filiorum consensu con-
 " cipiendis. Schwab. Land-Recht. lib. I. art. 20. & 21. Es gibt ein Mann
 " seines eigenen seinem Weibe nicht ohne der Erben Utaub, wenn sie zu ih-
 " ren Tagen kommen. Sonst schadet ihnen nicht die Gabe, die ein Vater ges-
 " than hat. Imo etiam de bonis avitis habetur im Schwab. Land-Recht.
 " lib. I. art. 32. Ohne der Erben Gelop mag kein Mann sein eigen Gut
 " noch seine Leute vergeben ..

d) *Dissert. cit. cap. I. §. 15.*

e) *Tit. 5. §. 1, conf. Dissert. nostr. sistens filium beneficio patris &c. §. 18.*

§. XXXI.

Secundum jus feudale germanicum filius feudum a patre alienatum revocare nequit.

Ilegum germanicarum, quae patri permittunt feudum in præjudicium hæredum feudalium, id est: filiorum, alienare, plurimæ sunt: sic 1) *jus cæsareum* a) & *jus feudale saxonicum* b) referunt, vasallo licere uxori suæ cum domini consensu constitutæ dotalitium etiam in filiorum suorum præjudicium. Sic quoque 2) *jus feudale altemannicum* c) & *bavanicum* d) restantur, quod pater in præjudicium suorum filiorum oppignorare possit feudum, ita ut hi post mortem patris intra sex septimanæ & unum diem illud reluere debeant. Quod autem *constitutio dotalitii æque, ac oppignoratio* sit vera alienatio, juris tyrones sciant.

F

Deni-

- a) *Cap. 33.* (ex edit. Senckenberg) ubi: quisquis uxori suæ dotalitium constitutæ cupit, ut firmum illud sit ex bonis imperii: is querere debet bona con dominio non obnoxia, & non oppignorata.. & petere, ut adeo imperator velit prædium hocce in dotalitium dare uxori suæ absque omni impedimento, & debet deinde feudum hoc in manus imperatoris resignare, & tunc imperator ideo investituram faciet, & litteras conscribi desuper jubebit, & tunc hocce dotalitio per imperatorem constituto uxor & maritus communiter illud feudum tenebunt, quo eum in modum possesto, fieri non potest, ut aliquis illud eripiat secundum jus imperii.
- b) *art. 33.* (ex edit. ead.) " Lihat aber ein Herre einer Brown Gut nicht noch " gedinges Rechte wenn mit den benumeten Worten zu irme libe daz leen sal " er ir stete haltene zu irme libe alleine gewonne si och wol Sune dar nah " die Sune mogen es ir nit brechen allein desto ir Man mit deme gute in " rechten geweren sterbe .."
- c) *Cap. 92. §. 1.* (ex edit. ead.) si vasallus feudum de quo investitus est à domino, oppignorat sine consensu ejus... §. 8. Si vero vasallus hæredes feudales reliquit, illi tenentur feudum liberare à die, quo post mortem patris rescriverunt, intra sex septimanæ & unum diem.
- d) *Cap. 24.* (ex edit. ead.) " Versetzet ain Man gut daz er von dem Herren " zu lehen hat aun dez Herren hant... lat aber der Man Lebens-Erben hins " der inn die sulen daz Gut lösen nach dem Tag und si ir Vater Lodez innan " worden fint inner sechs Wochen und ainen Tag .."



Denique 3) *jus cæsarcum e), ac jus feudale bavaricum f)* disertis verbis concedunt vasallo sano facultatem feudum alienandi sine hæredum feudum *consensu*. Quidquid 4) si alienatio domino *invito* & consentire nolente facta sit, vasallus alienans secundum *jus feudale alemanicum g)* satiscatur, si domino alium fundum ejusdem valoris in feudum offerat, aut illi hanc acceptare nolenti æstimationem feudi alienati in redhostimentum tradat. Et sic hac ratione ipsum adeo feudum finiri, à patris voluntate dependet.

- e) *Cap. 28. ubi: notum esto, quod imperator vasallis gratiœ concesserit, ut necessitate coacti vendere possint feoda sua sibi æqualibus absque contradictione, qui vero condoninos habent, ut potius his vendant, si tantundem ac extranei dare velint, quando vero hi nolent, ut vendere possint imperatore consentiente cuique emptori, siquidem condoninos non habeat, etenim in jure imperii habetur: consentiente imperatore, necessitate adatus, feudum suum rite vendit.*
- f) *Sive extractus eorum, quae in jure provinciali bavarico de feudis extant. cap. 194. (ex edit. ead.) Unusquisque dum vivit, consensu domini de feudo pro libitu disponit, nec hæredes hoc possunt prohibere; si vero decumbat lethali morbo, non potest illud sine hæredum consensu. Alias omnia, quae agit, sunt invalida. & cap. 204. ubi: qui feudum aut allodium habet sive parvum sive magnum, & hæredes eum impedit volunt, quoniam illud alienet, id debet juramento confirmare, se non amplius posse retinere huncce fundum ob famam aut frigus, vel aliam necessitatem, quam nominet, & ideo non dolose vendere; quo factio offerat illum propinquioribus, qui si tantundem dare velint ac alii, ipsis fundum concedat; sin minus, potest vendere cuilibet, & ideo scribenda sunt litteræ judicij propter Warandiam, & ILLE, QUI EMIT, HOC IPSO SATIS OBTINET FIRMITATIS.*
- g) *Cap. 87. § 1. Ubi: si vendit vasallus feudum alteri, & promittit rem confidere in ipsius gratiam cum domino, ut absque ullo dispendio eo potiatur.. §. 3. atque si à domino id obtinere non potest, tunc illi alium fundum offerat, qui æqualis valoris est cum illo fundo. §. 4. quod si nec hoc impetrare poterit, tunc vasallus jurato æstimare debet fundum, & tantundem domino in redhostimentum tradere.*

§. XXXII.

Respondetur ad jus feud. alemann. cap. 70. §. 4. & jusfeud. saxon. art. 58. à BOEHMERO in medium productum,

Nequae leges germanicæ à BOEHMERO & LUDEWIGIO in medium productæ juri germanico §. præced. exposito contradicunt: *Enimvero illæ, quas*

quas ex BOEHMERO §. XXX. lit. a. allegavimus, scilicet *jus feud. aleman.*
Cap. 70. §. 4. & jus feud. saxon. art. 58., nequaquam agunt de alienatione feudi per traditionem consummata, sed tantum dicunt, quod filius non debeat adimplere patris promissum de feudo tradendo. Germani autem alienationem per traditionem consummatam aliter ac nudum promissum de re tradenda dijudicarunt. Sic licet alienatio bonorum avitorum sine haereditate consensu olim fieri non potuerit, tamen LUDOVICUS PIUS a) sancivit, quod haeres alienationem traditione consummatam impugnare non possit, sed eam ratihabere debeat. Pari ratione in jure provincie aleman. b) cautum est, quod si quis alicui bona sua relinquat, & hoc traditione statim firmet, haereses contradicere amplius nequeant; sicuti tamen possunt, antequam traditionis firmamentum accesserit. Hanc inter utrumque casum differentiam diserte agnoscit *jus feudale allemannicum* c) ita se exprimens: *siquis in praेजudicatiā domini vel filiorum, vel alterius, qui jus successionis habet, feudum alienat, refutatione vel subinfeudatione, ET MOX ILLUD AC FRUCTUM RECIPIT, IN POSSESSIONEQUE CONTINUAT USQUE AD MORTEM SUAM, eo non impedit, quominus successores feudales feudum jure petere possint.* Cum quo æque clarè loquitur *jus feudale saxonicum* d), dum statuit, quod filii dotalitium uxori à patre constitutum impugnare non possint, nisi pater tempore mortis illud uxori suæ quondam tradiderit, sed adhuc in possessione habuerit. Perconsequens

F 2

præ-

- a) *Lib. IV. capit. franc. cap. 19. ubi: Et coram eis rerum suarum traditionem faciat, Et fidejussiones investiture donet ei, qui illam traditionem accipit, et vestituram faciat. ET POSTQUAM TRADITIO ITA FACTA FUERIT, HAERES ILLIUS NULLAM DE PRÆDICTIS REBUS VALEAT FACERE REPETITIONEM.*
Insuper Et ipse per se fidejussionem faciat ejusdem vestituræ, ne haeredi ulla occasio remaneat traditionem immutandi, sed potius necessitas incumbat illam perficiendi. apud SCHILTER. *Thesaur. antiquit. teuton.* tom. 2. pag. 239.
- b) *Cap. 23. §. 2. (ex edit. Schilter) ibi: quod si autem ille (qui amicis ita benefacere vult) id optima ratione vult firmum reddere, tunc assiget illi (amico suo) censem aliquem super illis bonis, QUO FACTO STATIM ACQUIRIT POSSESSIONEM ILLORUM, ET BONIS ILLIS PRIVARI AMPLIUS NON POTEST.* §. 3. *quod si ille haeres habeat, hi possunt contradicere, ANTEQUAM HIC ACTUS ITA FUERIT FIRMATUS,* quod si in debito tempore non faciant, sibi præjudicant.
- c) *Cap. 34. (ex edit. Senkenberg.)*
- d) *art. 33. supr. §. præced. lit. b. alleg.*

præfatæ leges germanicæ de patris promisso feudum tradendi loquentes eo minus ad alienationem traditione consummatam extendi possunt, & filius hanc à patre factam eo minus impugnare valet, quo certius præterea est, quod pater per ejusmodi alienationem amittat feudi possessionem, feudum autem absque possessione nunquam hereditetur in filium. e).

e) " Welch gut ein Man in sinen Geweren nicht en hat und inue nicht bes-
" weiset ist deme enmac her nicht gevolgen an einen andern Herren noch er-
" ben an sinen Sone .. Sächs. Lehn-Recht art. II. (ex edit. Senckenberg)
Item: " al leu an gewere darbet der volge .. ibid. art. 63. Si hæres be-
neſtionalis, ſciliſt filius, ſibi deſit in die obitū, manus ſecunda non habebit
benetia, niſi in beneficis prædeſſor ejus in die ſui obitus ea
in ſua haeuert Warandia. Vetus Author de Benefic. cap. I. §. 20.
(ex edit. Senckenberg). Item: bona, quæ homo non habet in poſſeſſio-
ne ſua, & quæ non ſunt ſibi demonſtrata, haec non haereditat in fi-
lium .. tamen haereditat in filium homo beneficia, quæ proſecutus eſt quer-
monia iuſta. ibid. §. 33.

§. XXXIII.

*Quod delictum patris secundum ius germanicum filio non noceat,
intuitu delictorum in ſpecie feudalium verum non eſt.*

In Quantum ius feudale alemannicum definiens, ne delictum patris filio noceat, à LUDEWIGIO objicitur a); hoc tanquam verum ſine diſtinctio-
ne non amplius admittimus, ſiquidem ius feudale germanicum exprefſe
faciat diſcrimen inter delicta feudalia in ſpecie talia, ſciliſt ex obliga-
tione feudali deſcendentia, & in ſpecie non talia, hoc eſt ex non feudali,
ſed naturali aut civili obligatiōne orta. Sic ius feud. alem. b) ſtatuens:
filius factum patris preſtare in delictis non tenetur, loquitur de delictis
in ſpecie non feudalibus, utpote ſpolio, homicidio, incendio, atque perfidia c).
Porro dum illud d) ſe ita exprimit: si vasallus filium babet, (dominus)

eum:

a) Vid. sup. §. 33. lit. c.

b) Cap. 16. §. 6. ex edit. Senckenberg.

c) Ceu patet ex tit. cap. 16. §. 2. & 3. ubi: deneget porro etiam dominus
investituram his, qui proscripti, vel excommunicati ſunt. Itemque illi, qui ci-
tatus eſt ad judicium ſuper ſpolio, homicidio, incendio, aut perfidia, nec com-
paruit, aut innocentiam probavit.

d) Cap. 61. §. 10.

eum de illo debet investire. LIBERI ENIM NON DEBENT GRAVARI CULPA PATRIS, de qua ipsi suo facto non participant, hoc enim contra Deum & jura foret, sermo quoque non est de delictis in specie feudalibus, sed de talibus, ob quae quis quoque allodio, privatur e). Econtra quoties jus feudale five alemannicum five saxonicum de delictis in specie feudalibus mentionem facit, toties talia profert verba, ex quibus colligitur delictum patris filio quoque nocere. Sic in jure feudali saxonico f) non minus ac alemannico g) definitum est, quod filius in causis feudalibus non teneatur respondere pro patre, nisi bona possideat, de quibus pater vivus conventus fuerat, aut si MULCTA EX FEUDO SOLVENDA FUERIT DEFUNCTO JAM IN VITA DICTATA: Hæc autem mulcta sane alia de causa patre vivo dictari non potuit, nisi propter commissum aliquod delictum in specie feudale. Cum pugnatur filius hanc mulctam solvere debeat, in aprico est, delictum patris feudale in specie tale nocere filio. Ita quoque in utroque jure feudali saxonico h) & alemanno i) caurum est: si dominus (& resp. vasallus) clypeum suum humiliat vasallagio domino inferioris dignitatis praestito, eo ipso amissit omnium vasallorum suorum vasallagia, & bona, exceptis iis, que ex alodio suo contulit. Vasalli vero investituram feudorum suorum impetrant a domino feudi majore... eodem jure gaudent quoque dominus adversus vasallum, qui feudum alii vasallo inferioris conditionis cedit; hoc enim feudum dominus conferre LIBERE potest, si velit, ergo non tenetur id præcise filio conferre. Consequenter delictum patris hoc in specie feudale in causa est, cur filius successionem in feudum prætendere nequeat. Ulterius in jure feudali saxonico germanico k) & latino l) refertur: si filium habens moriatur homo infra annos, quibus debuit investiri, per hoc feudum non elongatur a filio, licet pater hoc non recipit in feudo, QUONIAM SE IN TERMINO NON NEGLEXIT. Ergo a contrario inferri oportet, quod pater se in termino feudum recipiendi negligendo committat delictum feudale in specie tale, per quod feudum elongatur a filio, ideoque tale delictum patris feudale noceat filio.

e) Hoc appetat ex cit. cap. 61. §. 8. ubi: quod si vasallus tale crimen penetrat, ob quod bonis tam ALLODIALIBUS, quam FEUDALIBUS privatur &c.

f) Art. 47.

g) Cap. 55.

h) Art. 56.

i) Cap. 68.

k) Art. 19.

l) Cap. 12. §. 2.

§. XXXIV.

*Secundum jus germanicum pater habet liberiorem super feudo quam
super allodio in præjudicium filiorum disponendi facultatem.*

Ad cæteras leges germanicas à LUDEWIGIO obmotas, & supra cit. §. XXX. lit. c. adductas non difficilior est responsio, scilicet quod illæ non loquantur de feudis, sed tantum de allodiis: ab his autem ad illa argumentari nequeat, eoquod pater liberiorem habeat super feudo, quam super allodio in præjudicium filiorum disponendi facultatem: etenim secundum jus germanicum *provinciale* pater non potest uni filiorum certum fundum dare, & jubere, ut is cum cæteris filiis & resp. fratribus in reliquo allodio æqualiter dividat: & tamen hoc potest secundum jus germanicum *feudale*, ceu *jus provinciale saxonum* a) testatur æque ac ejus glossa b). Sic pariter secundum *jus provinciale saxonum* c) dotalitium in allodio uxori constitui non potest sine hæredum consensu: & tamen in feudo potest hoc secundum *jus germanicum feu-dale* d) fieri.

a) Lib. I. art. 14. ubi: "Also ist's auch nicht Landt Recht, ob der Vater einen Son mit einem Lehnen von ihm sonderte, und es ihm zu Handt aufzest, daß er dasselbe vor den andern Brüdern zu voraus behalten möge nach seinem Thob, und über das an allen andern Lehnen auch gleichen Theil nehme mit seinen Brüdern: dann wiewol ihms seine Brüder nicht können gewehren zu Lehn-Recht, doch so ist es nicht Landt-Recht, und derwegen klagen sie über ihn zu Landt-Recht, sie zwingen ihn wol mit Urteil und Recht zu gleicher Theilung .."

b) Ad cit. art. ubi glossa hanc refert rationem: "dann dadurch, daß es ihm der Vater aufgelassen, und der Herr geliehen hat, ist's albereit sein worden, also daß er es nach des Vatens Thode mit den andern Brüdern nicht theilen darf. Jedoch mögen sie es ihm abgewinnen zu Landt-Recht, dieweil sie nach demselben gleich theilen sollen. Aber die Gewohnheit hat es nunmehr also eingeführt, daß der Bruder in solchem Fall das Lehn zuvor behalten mag, und darf es mit seinen Brüdern mit nichten theilen .."

c) Cit. lib. I. art. 21. "Man mag Frawen wol eigen geben zu ihrem Leib NB. mit der Erben Laub .."

d) Cfr. sup. §. 31. lit. a & b, cui addatur glossa ad *jus provinc. saxon.* lib. 3. art. 75. notans: "Ein Mann mag seinem Weib ohn der Erben Urlaub sein eigen zu ihrem Leibe nicht vergeben, aber sein Lehen mag er ihr leihen lassen ohn der Erben Urlaub .."

§. XXXV.

Quod filius tempore alienationis neque natus neque conceptus jure revocandi non gaudeat, præter rationes modo expositas speciali adhuc probatur argumento.

Filius vasalli alienantis tempore alienationis neque natus, neque conceptus non tantum Rationibus modo expositis, sed speciali adhuc argumento à jure revocandi excluditur. Enimvero quod revocare volens jus aliquod in rem revocandam habere debeat, res per se clara est. Ergo & nondum natus nec conceptus non nisi per probationem talis juris sese ad revocationem qualificare potest. Nondum natus nec conceptus vero jus hoc in feudum revocandum prætensum vel tempore alienationis modo habuisse deberet, vel *ex post acquisivisse*: ast neutrum de illo verificari potest. Non primum, quia supponitur illum tempore alienationis nondum fuisse in rerum natura, ideoque fuisse *non-ens*. Quam indubitatum igitur est hoc philosophorum, in jure a) etiam approbatum procardi-
cum: *nullius entis nullæ sunt qualitates*, & quam certum est, *quod omne jus sit qualitas rei*, tam inevitabilis etiam debet esse sequela. quod *nondum natus neque conceptus nullo profus, tempore alienationis, gavisus fuerit jure, feudum revocandum concernente*. Néque etiam *ultimum*, hoc est: *nondum natus neque conceptus tale jus post tempus alienationis non acquisivit*: decantata enim est hæc juris feudalnis regula: *feudum neminem posse acquirere, nisi INVESTITURA, vel SUCCESSIONE b)*. Dum autem quaeritur, num *nondum natus nec conceptus* feudum revocare possit, semper presupponitur, hunc de eo non esse investitum, quia alias *affirmativa* hujus quæstionis resolutio omni caret dubio. Tota itaque hujus quæstionis decisio dependet ab eo, num de illo verificari possit, quod *feudum, seu potius jus ad illud successione unquam acquisiverit?* ad quod fortiter respondemus *negative*. Eoquod filius sicuti jus in feudum

novum

a) *ESSE ENIM DEBET, CUI DETUR: dein sic queri: an datum consistat: ut non ante juris ratio, quam persona querenda sit. Et in proposito igitur, quod post obitum hæredis codicillis legatum vel ademptum est, nullius momenti est, quia hæres, ad quem sermonem conferat, IN REBUS HUMANIS NON EST I EAQUE ADEMPTIO ET DATIO NUNC VANA EFFICIETUR, l. I, pr. ff. de jur. codicilli.*

b) II. f. I. §. I. in fin.



novum nonnisi per patrem primum acquirentem & hujus beneficio, ita & jus in feudum antiquum nonnisi per patrem investituram renovantem hujusque beneficio, & titulo quidem universali acquirere potest c): pater autem post factam feudi alienationem nil juris in eo habet d). Atque jus, quod quis non habet, ab hoc successione acquiri nequit, ergo & filius tempore alienationis neque natus neque conceptus nullum plane jus in feudum a patre alienatum successione acquirere potest. Necessaria igitur est conclusio, quod filius tempore alienationis neque natus neque conceptus nullo scilicet nec alienationis tempore habeat, neque ex post acquirat jus aliquod in feudum a patre alienatum, per consequens ad feudi revocationem nullatenus sit qualificatus.

c) *Cit. Dissert. nostr. praesert. §. 3. §. 4.*

d) *Inde patet quoque disparitatis ratio, cur agnatus tempore alienationis neque natus neque conceptus nihilominus jure revocandi gaudeat, siquidem hujus pater in alienationem non consentiens jus suum in feudum retinet, ideoque & hoc in filium postea nasciturum transmittere potest.*

XXXVI.

Nec non per II. f. 39. § l. II. c. de fideicommiss.

Noto notius praeterea est, quod feudi alienatio *cum domini consensu facta revocabiliter*, hoc est: usque dum successionis ordo ad agnatos pervenerit, valida sit a). Et nihilominus textus II. f. 39. diserte caret: *alienatio feudi paterni NON valet etiam domini voluntate, nisi agnatis consentientibus, ad quos beneficium quandoque est reversurum.* Hic igitur textus, praeter domini voluntatem, simul agnatorum consensum requirens non de re-sed irrevocabili alienatione debet intelligi, ideoque nihil aliud vult dicere, quam quod *alienatio feudi paterni NON valet IRREVOCABILITER etiam domini voluntate NISI agnatis consentientibus.* Textus hic duplum in se continet negationem scilicet: *non & nisi:* secundum notas grammaticales interpretandi regulas vero *duplex negatio involvit unam affirmationem.* Per consequens sensus textus cit. alias esse non potest, nisi hic: *alienatio feudi paterni valet IRREVOCABILITER domini voluntate*

§

a) I. f. 13. ubi: *si vero cum domini voluntate totum vel medium alienaverit, stabilis permanet alienatio.*

S agnatis cónsentientibus. Solus itaque domini & agnatorum consensus ad irrevocabilem feudi alienationem requiritur & sufficit: atqui tempore alienationis neque natus neque conceptus non est agnatus alienantis, neque sub agnatorum nomine venit, nam si postea conceptus est, *M. rcellus* scribit, neque ut SUUM, neque ut NEPOTEM, aut COGNATUM ad hæreditatem vel ad bonorum possessionem admitti b), quia NULLO JURE COGNATIONIS patrem sui patris attigit c). Ergo tempore alienationis neque natus neque conceptus actione revocatoria eo minus gaudere potest, quo evidentius alias falsum foret, quod feudum cum agnatorum consensum unquam posset irrevocabiliter alienari, siquidem per rerum naturam plane impossibile est, quod tempore alienationis neque natus neque conceptus consentire possit. Quod sane contra cit. textum II. f. 39. tam clare loquentem manifesto impingeret. Adhæc consensus agnatorum tempore alienationis ideo requiritur, quia hi tunc modo jus quæsitum in feudum habent, sed hoc nondum nato nec concepto deficit (§. præced.). Ergo & hujus consensus minime requiri potest, & alienatio cum cunctorum agnatorum existentium consensu facta eo magis irrevocabilis esse deber, quo clarius in l. II. cod. de fideicommiss. definitum est: quotiens ab omnibus, qui alienatione facta ad fideicommissi petitionem aspirare possunt, venditio celebratur, aut quibusdam vendentibus alii consenserint: CONTRACTUS AUTHORITAS CONVELLI NEQUAQUAM POTEST. Quod autem hæc legis decisio etiam de fideicommissis familiae intelligenda sit, & tempore alienationis neque natorum neque conceptorum consensum non requirat, verbis magis expressis adhuc declarat JUSTINIANUS d), dum controversiam revocationem perpetui familiæ fideicommissi concernentem dijudicans hoc adjicit decidendi fundatum: cum & alii HIERII (fideicommissum constituentis) gloriose memoriae filii res suas alienaverint, & reliquorum quodammodo alienationibus consenserint, ac per has, nec non alias, quas prædiximus rationes, que ad hujusmodi dijudicationem & LEGISLATIONEM abunde nobis sufficiunt, sibi pariter & SUCCESSORIBUS suis actiones, quæ ipsis potuissent competere, substulerint.

b) L. 6. pr. in fin. ff de just. rupt. & irrit. testam.

c) §. 8. inst. de hæred. que ab intest. cfr. l. I. §. 6. & 8. ff. unde cognat. l. I. §. 8. ff. de suis & legit. hæred. l. 24. ff. de tutel. & ration. reddend.

d) Nov. 159. cap. 3. cfr. sup. §. 23.



§. XXXVII.

Refutatur omne illud, per quod BOEHMERUS tempore alienationis neque natis neque conceptis jus revocandi adstruere nititur.

Ex his §. XXXV. & §. XXXVI. deductis per se nunc sequitur, falsum omnino esse, quod (uti BOEHMERUS a) ascribit) “eo tempore, quo “ in lucem eduntur illi, quorum parentes feudum vendiderunt, vel “ in illud alienandum consenserunt, ipsum jus succedendi in feudum, “ ex quo jus revocandi proficiscitur, duret, ac permaneat .. Cujus falsitatem magis adhuc deregimus refutando cuncta BOEHMERI argu-menta, quibus id evincere conatur, in eo consistentia: “ ita enim (in-quit) “ comparatum est jus succedendi in feudum ipsum, ut ad to-“ tam primi acquirentis progeniem pertineat, quum ipsae investitura “ non minus, quam lege feudali non natis modo, sed & omnibus, “ qui quandoque ex iis nascituri sunt, feudum constituantur, ac serve-“ tur .. Hoc ut proberet, provocat ipse ad illos textus feudales, in quibus dicitur, quod feudum *in perpetuum & usque in infinitum* ad va-salli hæredes pertineat: Verum sit hoc, quod feudum hodie non si-cut olim b) pro lubitu domini, aut dein anno elapso, aut expost de-functo vasallo, aut denique defientibus filiis finiatur, sed ejus suc-cessio ad omnes primi acquirentis descendentes *in perpetuum & usque in infinitum* extensa sit, exinde tamen nullo inferri potest jure, quod post feudi alienationem demum nati & concepti fruantur jure revo-candi: etenim jus ex quovis pacto quæsitum in materia etiam *allodiali* ad omnes hæredes *in infinitum* transit c), & tamen nemo hucusque somniauit exinde illationem, quod in casu, quo hæres intermedius jus ex tali pacto pro omnibus hæredibus *in infinitum* quæsitum aliena-vit, expost nascituri hanc alienationem valeant impugnare. Ergo etiam ex solo illo successionis jure omnibus hæredibus feudalibus *in infinitum* com-petente jus revocandi in favorum tempore alienationis neque natorum ne-que conceptorum erui nequit, si non aliae rationes hocce jus successionis *in infinitum* contra feudi alienationem iueantur.

a) *Dissert. cit. cap. 3. sett. I. §. 12.*

b) *I. f. I. §. I.*

c) *L. 13. c. de contrah. Es committ. stipul. junct. l. 170, ff. de verb. signif. & l. 194 ff. de reg. jur.*

§. XXXVIII.

Continuatio.

Pergit dein BOEHMERUS loc. cit: “ atque hoc jus filii ex lege & in vestitura acquisitum neque dominus, neque vasallus possessor mutare valent, sed illud perstat, ac tamdiu manet, quousque superest so boles à primo acquirente oriunda feudorum capax „. Quam verum est, quod solus dominus jus succedendi descendantibus primi acquirentis competens mutare nequeat, tam falsum quoque esse, quod nec vasallus id possit, ex solo matrimonio *ad morganaticam*, filios etiam à primo acquirente descendentes à successione feudalii excludente d) evidens est, quin opus sit provocare ad illas rationes, quibus hucusque modo probavimus, quod pater in præjudicium filiorum alienare possit feudum. Nec suffragatur BOEHMERO textus 11. f. 52. §. 2. *in fin. ab ipso e)* adductus; hic enim non loquitur de *descendantibus*, sed tantum de *collateralibus agnatis*, quod scilicet vasallus in horum præjudicium nihil valeat immutare, prout se manifestat es hisce ejus textūs verbis: *quod frater facit, nihil superstiti obesse, licet in secundam aut tertiam generationem, & usque in infinitum pervenit*. Frustra quoque adversarius noster BOEHMERUS loc. cit. obmover: “ neque etiam filiorum jus ex jure patris, sed ex prima investitura & lege pendet „: Siquidem contrarium ex professo deduximus in *dissert. nostr. cit. sistente filium beneficio patris &c.*, ad quam nos in præsens referimus. Instat porro BOEHMERUS: “ Simili providentia etiam leges civiles causam posthumorum tueruntur, iisque servant succedendi jus, atque in eorum commodum omnem vim adimunt ordinationi à patre antea de bonis suis factæ „. Ubi f) provocat ad l. 3. §. 2. ff. *de injust. rupt. & irrit. testam.* hæc habentem verba: *idem in posthuino, quod in filio servandum, nec ratio diversitatis reddi potest*. Ast si BOEHMERUS leges supra §. XXXVI. lit. b. & c. allegatas infexisset, certe illam legem hec non adduxisset, eoque

G 2

d) 11. f. 29. ubi dicitur, quod si quis cum sponsa matrimonium ad morganaticam ineat, & hic filii ex eis susceptis deceperit, isti in proprietatem non succedunt aliis extantibus, sed NEC IN FEUDO ALIIS NON EXISTENTIBUS: qui licet legitimi sunt, TAMEN IN BENEFICIO MINIME SUCCEDUNT.

e) Loc. cit. lit. r.

f) Loc. cit. lit. s.



quod ex legibus ibidem allegatis appareat, legem illam de posthumo vivente parente concepto loqui: cum econtra in præsens quæstio sit de posthumo tempore alienationis nondum concepto, de quo *Marcellus* scribit, NEQUE UT SUUM, NEQUE UT NEPOTEM, aut COGNATUM ad hæreditatem vel bonorum possessionem admitti, quia NULLO JURE COGNATIONIS patrem sui patris attigit g). Ex quo evidens est, in posthumo moriente parente nondum concepto idem, quod in filio servandum non esse; & inter utrumque maximam reddi posse rationem diversitatis. Denique addit *BOEHMERUS* loc. cit: " nec minus subveniunt (leges civiles) post immodicam donatio- " nem natis, atque provident, ut hi ex ea detractum legitimum bo- " norum subsidium consequantur „, quo super ipse h) se refert ad l. 5. c. de inoffic. donat. & l. 8. c. de revocand. donat., quarum illa de filiis donationem inofficiosam-hæc vero de donatore donationem propter supervenientes liberos revocare valentibus agit. Verum neutra harum ambarum legum quidquam revelare potest, siquidem in casu tam illius, quam hujus legis iterum præsupponitur, liberos vivente donatore saltim fuisse conceptos, quia alias donatoris liberi esse nequerent. Postremo si vasallus nullam in præjudicium suorum descendentium nondum natorum neque conceptorum introducere posset cum agnatorum pro tempore existentium consensu mutationem, jus in feudum succedendi concernentem, sed hi eâ non obstante jure revocandi gauderent, tristissimas inde se susterre sequelas oporteret: tota enim posteritas alienationes & divisiones feudorum, nec non pæcta primogenituræ, *Majoratus*, & *Seniорatus* ante secula cum omnium agnatorum consensu inita & jurato confirmata valerer impugnare, ex quo horribilis & perniciosissima aprireter schena, qua non tantum judicia litibus scaterent, sed & inter potentiores ingentes metuendæ forent strages.

g) Cfr. § 36. lit. b. & c.

h) Loc. cit. lit. t.

§. XXXIX.

*Beneficium inventarii filio, qua hæredi patris, minime prodest
in feudi revocatione.*

Quod filius patri in feudo & allodio succedens mediante *inventarii beneficium* bona sua propria retinere possit salva, quin ex his ultra vires hære.

hæreditatis paternæ teneatur, dubium non habet. Num vero is quoque in vim hujus beneficij feudum separare valeat ab allodio, paucis jam discutimus. In sœpe citata nostra dissertatione sistente filium beneficio patris &c. exposuimus filium beneficio patris & quidem titulo universali in feudo succedere, perconsequens feudum intuitu filii haberet debet pro re in hæreditate defuncti patris comprehensa: notissimi juris autem est, quod beneficium inventarii se non extendat ad res in hæreditate contentas, ergo & filius hocce beneficio uti nequit ad feudum ab allodiali patris sui hæreditate separandum. Quid quod si etiam filius non patris beneficio & titulo universalis, sed ex solo pacto primi acquirentis, & titulo mere singulari ad feudi successionem veniret, firmiter nihilominus consistimus in eo, quod filius mediante inventarii beneficio feudum non possit separare ab allodio: Enimvero major hæredum securitas in causa fuit, cur beneficium inventarii introductum fuerit in locum juris deliberandi a), ideoque nullus hæredum illo frui potest, nisi simul gaudet jure deliberandi: num hæreditatem, intuitu cuius inventarium confidere vult, adire, an repudiare malit b). Atqui filius, si succedat in feudo, deliberare nequit, num allodio patris simul se immiscere, an ab illo abstinere velit, sed in vim textus II. f. 45. & 51. §. 4. est necessarius patris hæres in allodio. Ergo & ad hoc ab illo separandum, beneficium inventarii nequaquam poterit illi proficere. A nobis plane dispareare hinc non videtur BOEHMERUS c) dum fatetur, quod "ea vis huic beneficio

- a) L. f. C. de jure deliber. §. 13. sancimus, qui deliberationem nullam petendam esse curaverint: quam putamus quidem penitus post hanc legem esse supervacaneam, & deberi ei derogari. Cum enim licet eis & adire hæreditatem, & sine damno ab ea discedere ex praesentis legis autoritate: quis locus deliberationi relinquitur... §. 14. electionem ei damus, vel nostram constitutionem eligere, & beneficium ejus sentire: vel si eam aspernandam existimaverit, & ad deliberationis auxilium convolaverit, ejus effectum habere.. & sibi imputet, qui pro NOVO beneficio vetus elegerit gravamen.
- b) Cit. l. fin §. 2. Sin autem dubius est, utrumne ADMITTENDA SIT NEC NE defuncti hæreditas, non potet sibi necessariam deliberationem, sed adeat hæreditatem, vel sese immisceat, omni tamen modo inventarium ab ipso conscribitur... §. 14. Sin autem hoc aliquis fecerit, & inventarium conscriperit, non licet ei post tempus præstitutum, SI NON RECUSAVERIT HÆREDITATEM, SED ADIRE MALUERIT, nostræ legis uti beneficio.
- c) Dissert. cit. cap. I. §. 13.



“ neficio tribui non possit, ut filium vasalli patris hæredem a solutio-
“ ne debitorum paternorum, quæ superant hæreditatem, liberet, ut-
“ que fructuum feudi nomine nihil de debito hæreditario solvere co-
“ gantur. Hac quidem ratione juris longobardici dispositio prorsus
“ everteretur „.

§. XL.

Refutatur BOEHMERUS contrarium propugnans.

Principiis hisce conformiter BOEHMERUS loc. cit. ita differit: “ is au-
“ tem effectus eatenus recte in filium vasallum, hæreditatem patris
“ cum beneficio inventarii adeuntem, transfertur, quoad convenit sen-
“ tentiæ juris longobardici, ex qua videlicet filius facta patris tam
“ ex bonis, quæ ad hæreditatem pertinent, quam ex fructibus feudi
“ præstare obligatur. Fructus feudi habitâ eorum ratione in compu-
“ tanda sorte æstimationem feudi efficiunt, ac proinde menti juris lon-
“ gobardici consentaneum est, filium teneri ad debita paterna exsol-
“ venda secundum vires hæreditatis & feudi quoad æstimationem spectari„.
Rationem vero, cur aditio hæreditatis in persona filii non impedit
actionem feudi revocatoriam, BOEHMERUS a) subjicit hanc, quia “feu-
“ dum ad hæreditatem patris prorsus non pertinet, nec beneficio pa-
“ tris, sed titulo singulari ex pacto & providentia majorum filio de-
“ fertur, ideoque per se separatum ac disjunctum est ab hæreditate
“ paternâ „. Verum ad falsificandam hanc BOEHMERI rationem sufficiat
iterum ad nostram roties citaram provocasse dissertationem, in qua
fusius probatum extat, quod filius *beneficio patris & quidem titulo uni-
versali* in feudo non aliter ac quoque in allodio succedat, ideoque il-
lud intuitu filii pro separato ac disjuncto ab hoc haberi nequeat. Ad-
hæc sicuti fructus feudi, ita quoque feudum ipsum, seu potius cuncta
ejus utilitas *ad res filio proprias referri* necesse est, restante hoc ipsum
BOEHMERO b) hisce se exprimente verbis: “ feudi quoque commodum,
“ donec filio vita suppetit, in *rebus ejus propriis* numerare licet „. Si
igitur filius beneficio inventarii non obstante facta defuncti patris ex
feudi fructibus præstare & implere debeat, nulla appareat disparitatis
ratio,

a) *Dissent. cit. cap. 3. lett. I. §. 7.*

b) *Loc. cit. §. 5.*

ratio, cur non idem de feudo ipso, seu hujus commodo dicendum sit. Præterea BOEHMERUS aperte sibi contradicit, dum filium ad præstandum factum defuncti patris quoad feudi aestimationem obligat, quoad feudum ipsum vero liberet: Nam feudum vel sit in *commercialio*, vel non: si hoc, *aestimatio ejus non debetur* c): sin illud, tunc quoque non sufficit *aestimationem præstasse*, sed *feudum ipsum præstari oportet*: etenim *aestimationem præstando* tunc demum *satisfacit hæres*, si quid alicui fuerit *licitate relictum*, quod *ipse quidem propter corporis sui vitium, vel propter qualitatem relieti, vel aliam quamcunque probabilem causam habere non potuit* d). Sed si *feudum cum domini consensu est alienatum*, neque *vitiū corporis*, neque *qualitas relicti*, nec *alia quævis causa obstatre* potest alienatio, quominus *ipse feudum possidere queat*. Ergo *aestimationem feudi præstando* se liberare nequit filius ab obligatione *feudum ipsum in alienatarii manibus relinquendo*. Præsertim cum adeo in casu, quo res aliena alicui *relicta* est, *hæres cogatur redimere & præstare*, vel (tunc *demum*) *si eam non potest redimere, aestimationem ejus dare* a).

c) §. 4. *inst.* & l. 39. §. f. *de legat.* 1.

d) L. 114. §. 5. ff. *eod.*

e) §. 4. *inst.* *de legat.*

§. XLI.

Agnati hæreditatem defuncti vasalli, feudum alienantis, allodialem cum inventarii beneficio adeuentes jus revocandi non amittunt.

Cæterum quoad agnatos hæreditatem defuncti vasalli, feudum alienantis, allodialem *cum inventarii beneficio* adeuentes res aliter se habet intuitu juris revocandi: hi enim, et si in feudo succedant, hæreditatem repudiare valent, ideoque non sicuti filii hæredes allodiales necessarii, sed tantum sunt voluntarii. Perconsequens sicuti jure deliberandi, ita & beneficio inventarii cum omni ejus fruuntur effectu, qui potissimum in eo consistit, quod hæreditatem SINE PERICULO habeant, & in tantum hæreditariis creditoribus teneantur, in quantum res substantiae AD EOS DEVOLUTÆ valeant, & nihil EX SUA SUBSTANTIA penitus hæredes AMITTANT: NE DUM LUCRUM FACERE SPERANT, IN DAMNUM INCIDENT a). Sed si agnati hæreditatem

a) L. fin. §. 4. c. *de jur. deliber.*



tatem defuncti vasalli, allodialem *cum inventarii beneficio* adeuntes, jus feudum sine illorum consensu alienatum revocandi, mox à casu delatae successionis, adeoque ante aditionem hæreditatis allodialis modo natum, & horum bonis efficaciter quæstum non reinerent, tunc utique non verificaretur, quod hæreditatem *sine periculo* haberent, & in tantum solummodo hæreditariis creditoribus tenerentur, *in quantum res substantiae ad eos devolutæ valeant*, ac denique, quod *nihil ex sua substantia penitus hæredes amitterent*. Præterea ratio ultimata, cur hæres factum defuncti præstare, ideoque rem propriam ab hoc alienatam revocare nequeat, posita est in eo, quod hæres & defunctus repræsentent *unam eandemque personam* b): Usus *beneficii inventarii* autem impedit, quomodo hæres personam defuncti induit, ceu evidens est ex eo, quod *si ipse* (hæres hæreditatem *cum beneficio inventarii* adiens) *aliquas contra defunctum habet actiones, non hæ confundantur* c), quæ tamen necessario confundi deberent, si talis hæres cum defuncto *unam eandemque habet personam*, siquidem implicat, quod *una eademque persona* simul sit sibi met ipsi & creditor & debitor. Hisce conformiter itaque concludimus, quod agnati hæreditatem defuncti vasalli allodialem *cum inventarii beneficio* adeuntes jus feudum sine illorum consensu alienatum revocandi servent sibi salvum.

b) *Nov. 48. in præfat. ubi: cum utique nostris videntur legibus UNAM quodammodo esse PERSONAM hæredis & ejus, qui in eum transmittit hæreditatem: ideoque nullus EIDEM SIBIMET edicit reluctari, & quod dixit, atque juravit ratum esse, hoc nolle valere, sed contra proprios reluctari sermones.*

c) *Cit l. fin, §. 9. c. de jur. deliber.*



POSI-